

陸

子

學

譜

陸子學譜卷之十二

陸川龐 興校

弟子七

趙進士師雍 弟師箴

趙師雍宋史未立傳。黃氏宗義宋儒學案云。師雍字然道。黃巖人。淳熙十四年進士。與弟師箴字詠道。問學於朱陸二先生。師雍言諸公傷於著書。而其心反有所蔽。此是暗指朱氏。則其歸心於陸也明矣。按二趙事陸子最久。信陸子之道亦最篤。書問往復不一而足。陸子期以遠到。嘗贈序以勉其兄。弟云。書契既造。文字日多。六經既作。傳註日繁。其勢然也。苟

得其實本末始終較然甚明。知所先後。則是非邪正。知所擇矣。雖多且繁。非以為病。祇以為益。不得其實。而蔽於其末。則非以為益。祇以為病。二昆其謹。所以致其實哉。然道兄弟格守此訓。以文雖為病。故有著書心蔽之說。陸子既沒。然道與朱子書。謂恨不及見兩先生。論辨有所底止。朱子復書。詆斥乃有千金敝帚之喻。亦已過矣。趙氏與包氏諸葛氏兄弟。及項平甫等。並兼事兩先生。特其意皆偏信陸子耳。非專事朱子。後乃別事陸子也。且其書止云不及見兩先生。議論有所底止。語亦平常。非如胡紘之攻道學。傅伯儔之附侂冑也。而莆田宋端儀作考亭淵源錄。乃直以然道與胡傅並列叛徒。豈不謬哉。分門別戶。黨同而伐異。此偽學之禍。所由以烈也。不然。同時講學。張呂陸三君子。不聞有攻之者。何獨仇於朱。

子橫逆之來。君子必自反矣。

書問

先生與然道書云。某驚蟄前乘晴登山。尋復積雨。二十四日少霽。始得一訪風練飛雪之狀。方念不得與賢昆仲共之。是晚來書適至。喜可知也。去非從善勇決如此。沛然之壯在胸中矣。又何以觀深為哉。狂聖之相去遠矣。而罔念克念之端。頃刻而分人心之危。豈不甚可畏哉。有虞之朝。克艱之說。從逆之戒。伯禹進之。警戒無虞之說。逸樂怠荒之戒。伯益又進之。明明穆穆。聚精會神。其切磋琢磨之功如此。若已汨於利欲。陵於異端。逞志遂非。往而不返。雖復雞鳴而起。夜分乃寐。其為害益深。而去道愈遠矣。奚足以言此哉。今然道方耻利欲之習。知異端之非。願益致擴充之功。則吾道幸甚。

其第二書云。茲聞來書。知此志不替。有加。夫道一而已。相去千里。相後千歲者。猶若合符節。況其近者乎。然古人所以汲汲於師友博學審問。謹思明辨之者。深懼此道不明耳。於其大端。大旨。知其邪正。是非。形有相近。而實有相遠。則知精微之處。亦猶是也。夫子十五而志學。則既得其端緒矣。然必三十而立。四十而不惑。五十而後曰。知天命。及其老也。猶曰。我學不厭。今學者誠知端緒。則疊疊翼翼。自致日新之效者。其能自己乎。秋涼過我。當究是言。時事第可永歎。良難言也。其第四書云。吾心苟無所陷溺。無所蒙蔽。則舒慘之變。當如四序之推遷。自適其宜。記所謂亡於禮者之禮也。其勤也。中蓋近之矣。夫子所謂克己復禮為仁。誠能無毫髮已私之累。則自復於禮矣。禮者理也。此理豈不在我。使此志不替。則日

明日著如川日增如木日茂矣必求外鑠則是自涇其源自伐其根也侍旁千萬致意適旅應酬之冗不及拜書

先生與咏道書云至當歸一精義無二誠得精當則若網在綱有條而不紊故自本諸身徵諸庶民至於百世俟聖人而不惑者誠精當之不容貳也令兄謂諸公傷於著書而其心反有所蔽此理甚不精此言甚不當矣彼學不至道其心不能無蔽故其言支離彼惟不自知其學不至道不自以為蔽故敢於著書耳豈可言由其著書而反有所蔽當言其心有蔽故其言亦蔽則可也故親師友於當世固當論其學求師往聖尚友方冊亦當論其學

其第三書云奉此月十日書方知有叔氏之威撫紙驚嘆恒焉痛心不能已已向見此令弟氣質淳美志向專篤聽言之

大殊無與。滯溪用慰。李胡爲遠。有斯疾。竟棄斯世。哀哉。有如
賢伯仲情義之篤。信不易堪也。天命既如此。亦無可奈何。況
在慶侍之側。只得寬釋以安庭闈之心。此即理也。秋試失利。
亦蘭菊有時耳。詠道之才。一第豈足爲道。此尤不足置懷。學
力不究。此片真正盡春冰耳。迨天之未陰雨。徹彼桑土。綢繆
牖戶。今此下民。或敢侮予。事豫則立。不豫則廢。故書曰。致治
於未亂。保邦於未危。古人所以造次必於是。顛沛必於是。無
有師保如臨。父母戰戰兢兢如臨溪淵。如履薄冰。若平居一
有緩懈。一有與滯。則精神立見凌奪。事至物來。固宜有困敗
之憂。雖然。到此若能淡省痛癢。何困之有。夫子曰。仁遠乎哉。
我欲仁。斯仁至矣。又曰。爲仁由己。而由人乎哉。孟子曰。人病
不求耳。又曰。亦爲之而已矣。於此用力。而又不能使聖賢之

言如符契。則是平日之言皆妄言。平日之意皆妄意矣。果如是。故不可自欺。却當力加省察。必使不待傳會而沛然有以信聖賢爲先得我心之所同然而後可也。

其第四書云。塞宇宙一理耳。學者之所以學。欲明此理耳。此理之大。豈有限量。程明道所謂有憾於天地。則大於天地者矣。謂此理也。三極皆同此理。而天爲尊。故曰惟天爲大。惟堯則之。五典乃天敎。五禮乃天秩。五服所彰。乃天命。五刑所用。乃天討。今學者能盡心知性。則是知天。存心養性。則是事天。人乃天之所生。性乃天之所命。自理而言。而曰大於天地。猶之可也。自人而言。則豈可言大於天地。軋坤同一理也。孔子於軋曰。大哉軋元。於坤則曰。至哉坤元。堯舜同一理也。孔子於堯曰。大哉堯之爲君。於舜則曰。君哉舜也。此乃尊卑自然。

之序如子不可同父之席弟不可先兄而行非人私意可差排杜撰也

按朱子答然道書謂足下求官得官今所從官又去親庭不遠云云是已嘗居官特所授何職莫可考耳又陸子與詠道第三書云知有叔氏之戚此令弟氣質淳美志向專篤聽言之次殊無凝滯是亦嘗從學於先生者也惜亡其名與字考朱子孫壻趙師夏字致道考亭淵源錄稱爲詠道弟豈即其人耶抑又別一弟耶

胡季隨大時

胡大時字季隨號盤谷五峰先生宏之季子也初張南軒先生從學於五峰季隨復從南軒受學南軒以女妻之南軒弟子多在湖南然以吳德夫獵及季隨爲最著朱子訪南軒於

漳州李隨嘗問學焉。最後謁先生。淡服其教。陸子與李隨第一書謂丙午之夏。吾山廨舍相從越月。是也。朱子疑其背已。與之書云。得元善書。聞與子靜相見甚款。不知其說如何。大抵欲速好徑。是今日學者大病。向來所講近覺亦未免此云。云語雖若自引咎。實指先生之教。而先生之所以爲學。與所以教人者。必先於知所先後。故與李隨第一書以致知明善爲先。未嘗欲速而好徑也。嚴松錄先生語云。先生言胡季隨從晦翁學。自言晦翁使讀孟子他日問李隨如何解。至於心獨無所同。然乎一句。李隨以所見解。晦翁以爲非。且謂李隨讀書鹵莽不思。後李隨思之既苦。因以致疾。晦翁乃告之曰。然讀之如雍之言。然之然。對上同聽同美。同嗜說。先生因笑曰。只是如此。何不早說與他。觀此段則知朱子之所以教學。

者多困以章句。宜季隨見先生而甚歎也。先生與季隨第一書見講明條。今錄先生與季隨第二書云。王文公祠堂記。乃是斷百餘年未了底大公案。自謂聖人復起。不易吾言。餘子未嘗學問。妄肆指議。此無足怪。同志之士。猶或未能盡察。此良可慨歎。足下獨謂使荆公復生。亦將無以自解。精議如此。吾道之幸。傳項黃三士人品固自不同。其爲學亦不相似。若望其致知。明善。雖子淵亦不能無離索之患。元吉今在此。雖稍若知過。要未特達。學者之難得。所從未久。道不遠人。人自遠之耳。人心不能無蒙蔽。蒙蔽之未徹。則日以陷溺。諸子百家。往往以聖賢自期。仁義道德。自命。然其所以卒畔於皇極而不能自拔者。蓋蒙蔽而不能覺。陷溺而不自知耳。顏子之賢。夫子所屢嘆。氣質之美。固遠人絕甚。子貢非能知顏子者。

然亦自知其非僞。偶論語所載顏淵喟然之歎。當在問仁之前。爲邦之問。當在問仁之後。請事斯語之語之時。乃其知之始至。善之始明時也。以顏子之賢。雖其知之未至。善之未明。亦必不至有聲色貨利之累。念恨綴肆之失。夫子答其問仁。乃有克己復禮之說。所謂己私者。非必如常人所見之過惡。而後爲己私也已之。未克。雖自命以仁義道德。自期可以至聖賢之地者。皆其私也。顏子之所以異乎衆人者。爲其不安乎此。極鑽仰之力。而不能自己。故卒能踐克己復禮之言。而知遂以至善。遂以明也。若子貢之明達。固居游夏之右。見禮知政。聞樂知德之識。絕凡民遠矣。從夫子遊。如彼其久。尊信夫子之道。如彼其至。夫子既殯。其傳乃不在子貢。顧在曾子。私見之。細人難於自知。如此。曾子得之以曾子貢失之以達。

天德已見消長之驗。其著於此矣。學問之初。切磋之次。必有自疑之患。及其至也。必有自克之實。此古人物格知至之功也。已實未能自克。而不以自疑方憑之。以決是非。定可否。縱其標末如千頁之屢中。適重夫子之憂耳。况又未能也。物則所在。非遠天德。未易輕言也。所惡於智者。爲其鑿也。若禹之行水也。則無惡於智矣。禹之行水也。行其所無事也。如智者亦行其所無事。則智亦大矣。宰我子貢有若智。足以知聖人。三子之智。蓋其英爽。足以有所精別。異乎陳子禽叔孫武叔之流耳。若責之以大智。望之以真知。聖人非其任也。顏子請事斯語之後。真知聖人矣。曾子雖未及顏子。若其真知聖人。則與顏子同學。未知止則其知必不能至。知之未至。聖賢地位未易輕言也。何時合并以究此理。

按季隨先生之教。深信而篤好之。朱子雖有甚歎之疑。而季隨信之彌篤。先生亦嘉之。遂爲婚姻。以次女妻季隨子焉。肝江宋黃應龍壁林集。有陸氏孺人墓誌銘云。孺人姓陸氏。名某。撫之金谿青田人。象山先生文安公之次女。生六歲。公授以閫範孝經。丁文安公憂。父母吳氏及長兄薦堂先生伯微之教。通論語孟子大義。擇配以適南岳胡文定公之曾孫明公之孫盤谷先生季隨之子。是時稱名聞詩禮者。莫加焉。盤谷去世。孺人事皇姑黃夫人。肅恭怡順。極至。蓋三十年無恙。髮意訓子若孫。弗墜家聲。旣而夫若子相繼捐館。孺人皓首孀居。處性飾身。齊家御下。種種有矩度。生於淳熙丁未二月七日。卒於寶祐乙卯二月四日。以是年冬。塋於衡陽樟木原。胡氏祖禰塋兆所通。孫二。

集教女孫一人適衡陽王偉其孫以子嘗從文安門人學
來請銘某又嘗陪湖南憲使宋自牧至衡山時樞使陳柳
齊仙潭來祭岳山長陳子春挾貴氣借胡氏家藏朱呂張
陳諸儒先往復書尺及五峰諸公手澤癡且久孺人曰家
有少田宅可留此先公所寶將以遺後人不可失命介聞
於帥柳齊慄然立索之歸其孫以岳教名聞於朝罷斥之
聞者義公此舉而躋孺人年高而志屹立知所重輕也爲
之銘曰懿範則文安之女夫子則明公之孫儼羨名德之
門千秋萬歲阜可塋此石不朽嗚呼是爲有宋江西陸文
安先生季女之墓谷可陵此石有銘

郭醇仁震

郭震成都人自蜀中來學於先生先生嘗教以學先知本因

以本名齊求先生記之先生爲之文云唐虞之朝禹治水皋
陶明刑稷降播種契敷五教益作虞垂作工伯夷典禮夔典
樂龍納言各貢其職各敎其功以成雍熙之治夫豈常試爲
之者哉蓋其所以自信與人所以信之者皆在其時昔之所
學後世之爲士者自莽泛濫口耳之間無不涉獵其實未嘗
有一事之知其至者人才之不足爲天下用固無足怪雖然
是又未可以沒責於天下天之生斯民也以先知覺後知先
覺覺後覺要當有任其責者大學曰物有本末事有終始知
所先後則近道矣源泉混混不舍晝夜盈科而後進放乎四
海有本者如是孟子之言乃知所先後之驗成都郭震醇仁
以本名齊求言於余余嘉其志告以所聞後日當有以觀其
驗

石應之崇昭

兄弟文

宋儒學案云石崇昭字應之浙江新昌人與兄斗文字天民同開學於朱呂陸三氏之門初爲象山所喜復惑於異說而祭東萊之文以爲石火電光是區區者之不足恃象山見之駭其迷繆尋應之異時書問一束封之題曰石應之公案已而會於臨安以公案示之應之欲持去象山曰不可觀足下神思今不能辨此此書非吾相對剖決亦長物耳應之以進士第初授無爲軍學教授後積官至侍從象山與高宗商書曰觀應之容貌言論與漢者判若二人使人不忍視之今遂居臺閣益令人憐之耳

先生與孫季和書云山徑之蹊間介然用之而成路爲間不用則茅塞之矣往年石應之駸駸有成路之興復迷於異說

至今茅塞每爲悼歎。季和向時所得。尚未能及應之。臨安再相聚時。已無初相聚時氣象。是後書問與傳聞。言論行事。皆不能滿人意。謂之茅塞不爲過也。又先生與高應朝書云。成之到此。講切曲折。却具應之書中。然先生集中並無與應之書。則知先生之文佚者多矣。

朱子答周叔謹書云。應之甚恨未得相見。其爲學規模次第如何。近來呂陸門人互相排斥。應之蓋嘗學於兩家。不知其於此看得果如何。因語扣之。因書喻及之。爲幸也。

石天民應之兄也。名斗文。與應之同師事先生。官階事蹟無可考。先生與徐子宜書云。天民重困。猶昔。皆聞見駁雜之弊。近嘗苦口與言。稍能自反應之。亦復荒唐。今此相聚。相歎。志向却篤。知非甚明。有可喜者。亦可爲天民慶也。

高教授宗商

高宗商字應朝浙江人。乾道八年壬辰歲先生成進士。由富陽歸家。楊敬仲首師事先生。由是宗商與石應之孫季和等並來。學極相尊信。應朝嘗任邕川教授。朱子與詹元善書云。高教授能留意學校。甚善。渠從子靜學有意爲己。必能開導其人。也。其官階所至無可考。

先生答高應朝書云。比得書。知爲學日進。甚喜。爲學不當無日新。易贊乾坤之簡易曰。易知易從。有親有功。可以大然。則學無二事。無二道。根本苟立。保養不替。自然日新。所謂可以大者。不出簡易而已。應朝既自知資質偏駁。不廢磨礪。亦復何憂。亦復誰禦。然當知染習未盡。大體實不得謂無傷也。未及作子約書。寫至此。思子約書中有宜於靜。未宜於動。

之說此甚不可動靜豈有二心既未宜於動則所謂宜於靜者亦未宜也先作應之書不及此成之到此講切曲折却具應之書中大抵學者各倚其資質聞見病狀雖復多端要爲戡賊其本心則一而已作書多不能詳要之詳亦未必有益苟有根本自能不懈怠不倦與同志切磋亦何患不進學如顏子猶曰未見其止惟益勉之

其第二書云前月併收兩書備知近况慰浣良劑山房比年况味想盡得之動靜書中矣春尾以猶子之訃出山房至今未得復登此乃梭山之子文行皆高家庭所賴年未及壯無疾而逝所以傷之者又不止骨肉之情也聚族既廣患故如此類多今日方除一逆女之服所幸諸兄皆能安之以命不至過傷也此理日明鄉里友朋實有能共此者每思應朝應

之未嘗不與懷應之一跌不復中間見其祭呂郎中文迷繆之甚問應朝二書聳齋記亦甚念足下有茅塞之患帥漕處皆有吾文一編此乃韓將領親張氏朱氏所錄聞亦有一編在韓將領處想必從韓處見之矣第帥漕處本却經山間友朋點對無錯誤可從帥處借本點對却精觀熟考當有所發也。

高郡守商老

高商老浙江括蒼人師事陸子最篤登進士第授承議郎以紹熙五年任常州宜興縣知縣修學宮建社倉時陸子已沒並請朱子爲之記開禧三年知撫州軍事秋九月刻先生文集於郡庠自爲之跋云洙泗之教憤排啟發鄒魯之書困衡作喻此學久矣無傳獨象山先生得之千載之下最爲要切

是以。聚。其。言。者。類。多。咸。發。書。曰。惟。文。王。之。敬。忌。先。生。之。書。如。
黃。鐘。大。呂。發。達。九。地。直。啟。洙。泗。鄒。魯。之。秘。其。可。以。不。傳。耶。商。
老。嘗。從。先。生。遊。頗。自。奮。勵。今。老。矣。學。不。加。進。爲。州。鄭。鄉。愧。於。
傳。領。之。外。效。如。捕。風。因。刻。之。郛。庠。以。幸。後。學。倘。有。志。之。士。伏。
讀。其。書。如。見。其。人。知。敬。其。所。當。敬。而。不。忌。其。所。不。忌。其。爲。
有。補。於。風。化。較。然。不。誣。也。然。而。默。識。心。通。豈。欺。我。哉。

朱子爲商老作常州宜興縣社倉記云。始于居建之崇安。嘗。
以。民。饑。請。於。郡。守。徐。公。喜。得。米。六。百。斛。以。貸。而。因。以。爲。社。倉。
今。幾。三。十。年。矣。其。積。至。五。千。斛。而。歲。飲。散。之。里。中。遂。無。凶。年。
中。閭。蒙。恩。今。將。輟。以。上。聞。詔。施。行。之。而。諸。道。莫。有。應。者。獨。閩。
帥。趙。公。汝。愚。使。者。宋。公。若。水。爲。能。廣。其。法。於。數。縣。然。亦。不。能。
遠。也。紹。熙。五。年。春。常。州。宜。興。縣。大。夫。高。君。商。老。實。始。爲。之。於。

其縣善舉開寶諸鄉凡爲倉者十一合之爲米二千五百有
餘斛擇邑人之賢者承議郎趙君善行周君林承直郎周君
世德以下二十有餘人以典司之而以書來屬予記予心許
之而未及爲也會是歲浙西水旱常州民饑尤劇浮殍滿道
頗宜興獨下熟而貸之所及者尤有賴焉明年春高君將受
代以去乃復與趙周諸君皆以書來趣予文且言去歲之冬
民負米以輸者襁屬爭先視貸藉無餒合之不入予於是益
喜高君之惠將得以久又喜其民之信愛其上而不忍欺也
則爲之記其所以然者却又慮其久而不能無敝於其間也
則又因而告之曰有治人無治法此雖老生之常談然其實
不可易之至論也夫先王之世使民三年耕者必有一年之
蓄故積之三十年必有十年之蓄而民不病於凶饑此可爲

萬世之良法矣。其次則漢之所謂常平者。今固行之。其法亦未嘗不善也。然考之於古。則三登泰平之世。蓋不常有。而驗之於今。則常平者。獨其法令簿書筭鑄之僅存耳。是何也。蓋無人以守之。則法爲徒法。而不能以自行也。而況於所謂社倉者。聚可食之物於鄉井荒閑之處。而主之不以任職之吏。馭之不以流徙之刑。苟非常得聰明仁愛之令如高君。又得忠信明察之士如今日之數公者。相與并心一力。以謹其出納。而杜其姦欺。則其法之難守。不待已日而見之矣。此又予所身試者。故并書之以告愛之君子云。慶元元年庚午。既望。具位。燕記。

朱子又爲商老作常州宜興學記云。紹熙五年十二月。宜興縣新修學成。明年知縣事承議郎括蒼高君商老以書來請。

記而其學之師生迪功郎孫庭詢貢士邵機等數十人又疏其事以來告曰吾邑之學久廢不治自今明府之來即有意焉而縣貧不能遽給其費乃稍葺其所甚敝亟補其所甚缺且籍閒田五千畝以豐其廩斥長橋僦金歲入七十餘萬以附益之爲置師弟子員課試如法而又日往遊焉躬爲講論開之以道德性命之指博之以詩書禮樂之文使其知士之所以學蓋有卓然科舉文字之外者於是縣人學子知所鄉慕至於里居士大夫之賢者亦携子弟來聽席下無不更相告語更相勉勵而自恨其聞之之晚也退而相與出捐金齎以佐其役合公私之力得錢幾七百萬而學之内外煥然一新堂涂門廡靡不嚴備象設禮器皆應圖法蓋高君之於是學非獨經理興築之緒爲可書而其所以致者則非今世之

爲吏者所能及。而邑之人甘風俗。實有賴焉。幸夫子之悉書之以告來者於無窮。則諸生之望也。予頃得高君於會稽。而知其賢。今乃聞其政教之施於人者。又有成效如此。固已樂爲之書矣。而况邑之父兄子弟。能率高君之教。而有所興起。皆知從事於古人。爲己之學。而不汲汲乎誇多闢靡之習。以追時好。而取世資。則又予之所深歎而尤樂取以告人者也。乃爲悉記其語。使後之君子有考焉。抑高君之於此邑。嘗新其社稷之位。而并作風雨雷師於其側。以嚴祀事。穿故瀆。疏積水。以防旱潦。作社倉。儲羨粟。以備凶荒。其所以事神治民。頗能行其所學。而皆出於至誠懇惻之意。是以言出而人信。從之。蓋不待至於誦說之間。然後以言教也。嗚呼賢哉。慶元元年春三月庚申。朝請郎提舉南京鴻慶宮新安朱熹記。

詹宗丞阜民

事蹟書問

詹阜民字子南浙江遂安人累官宗正寺丞兼駕部郎中知徽州府阜民以淳熙十年侍學於陸子最爲篤信嘗錄先生語云阜民癸卯十二月初見先生不能盡記所言大旨云欲爲學當先識義利公私之辨今所學果爲何事人生天地間爲人自當盡人道學者所以爲學學爲人而已非有爲也又云某方侍坐先生遽起某亦起先生曰還席安排否一日朱舉公都子問釣是人也一章云人有五官官有其職某因是便收此心然惟有照物而已他日侍坐無所問先生曰學者能常閉目亦佳某因此無事則安坐瞑目用力操存夜以繼日如此者半月一日下樓忽覺此心已復澄瑩中立竊異之

遂見先生。先生目逆視之曰：「此理已顯也。某問先生何以知之？」曰：「占之眸子而已。」因謂某道果在通乎？某曰：「然。昔者嘗以南軒張先生所類洙泗言仁考察之，終不知仁。今始解矣。」先生曰：「是卽智也，勇也。某因言而通，對曰：『不惟知勇，萬善皆是物也。』」先生曰：「然更當爲說存養一節。」又記云：「乙巳十二月，再入都，見先生坐定，曰：『子何以束縛如此？』因自吟曰：『翼乎如鴻毛，遇順風沛乎若巨魚。縱大濤，豈不快哉！』既而以所記管窺諸語請益。一二日，再造先生，曰：『夜來與朋友同看來，却不是無根據說得出來。自此幸勿輟錄。他日亦可自驗。』又嘗問先生之學亦有所受乎？」曰：「因讀孟子而自得之。」

先生與詹子南書云：「庾序處送至四月二十四日，書發讀甚慰。馳驟用力不懈，無他疑惑，甚善甚善。此心至靈，此理至明。」

要亦何疑之有。然又以無疑爲疑。是未能無疑也。事理有未明。則不容不疑。思索之間。辨之則疑。有時而釋矣。疑亦宜足。顧哉。今旣曰無疑矣。乃以無疑爲疑。何哉。願速更之。毋滋其惑。

先生與詹子南第二書云。去臘面對。頗得盡所懷。天語甚詳。反復之間。不敢不自盡。至於遇合。所不敢必。是有天命。非人所能與也。何時能一來。至望紙筆之間。終不若面言之審。且盡也。吾友天資淳靜。若不惑於多岐。不蔽於浮說。則其進執。禦焉此心之靈。此理之明。豈外繇哉。明其本末。知所先後。雖由於學。及其明也。乃理之固有。何加損於其間哉。

其第三書云。學植日進。甚慰馳念。養大體之說。就孟子上看。則是因陳辭指實而說。自無病讀者得其事實。亦不泥其辭。

說今子南未免有立說之病。大抵立說則自不能無病。子南是辯制乎外一語。當時爲此語者。固未特達。若事實上特達。端的言語。自不同。古人言以義制事。以禮制心。亦用制字。其言多少特達。全無議論。辭說蹊徑。蓋古人皆實學。後人未免有議論辭說之累。當其蔽時。多不自覺。及其蔽解。回視前日之經營安排。乃知其爲陷溺耳。

王宗丞遇

事蹟

王遇字子正。一字子合。潭州龍溪人。乾道五年進士。歷教授臨江軍。既而由贛倅召爲太學博士。除諸王宮教。授出知常州。遂爲浙東常平使者。除大宗正丞。遷右曹郎中。嘉定四年卒。年七十。初事朱子。兼問學於陸子。一日來問學之道。何先。

曰親師友去已之不美也。人資質有美惡。得師友琢磨。知己之不美而改之。子合曰。是請益不答。先生曰。子合。要我說性善性惡。伊洛釋老等話。不副其求。故曰是而足焉。欲其理會此說。所以不答。見包揚顯道所錄先生語錄。按子合與文達公爲同年進士。又屢仕於江西。故問學於陸子云。

許教授中應

事蹟

許中應里居官階莫可考。陸子知荊門軍時。中應爲鄂州教授。師事陸子。信道甚篤。陸子之卒。喪過鄂州。中應爲文以祭。推本心之原。排支離之失。其略云。是理流行。宇宙之隔。卑不間於樵牧。皆可得而與知。自條理之科不續。一何名世之稀。蓋所以見吾夫子者。未至如魯參之皜皜。而詖淫邪遁不能

如孟子之無疑則皆未免隨揣摩之形似。困聞見之支離。雖勉強以力行。徒爾增附益之。私公以間氣而自得師。獨乎大天淵之無際。洞乎微芒芴之無遺。混混乎由源而達委。鼎鼎乎自幹而敷枝。故言動無一之不實。而表裏不至乎相違。豈非合彼已於一源。貫幽顯而同歸者乎。若乃察此理之公共。謂先覺者爲後覺之資。彼絕物者不仁。雖狂郢皆在於扶持。開晃耀於蒙昧。出荆棘於平夷的然顛末之無舛。二三子亦有立於斯時。卽所應之有證。尚安得以佛老之空談而病之哉。其生平學術議論。恪守師說。薛象先蔡季通等皆推許之。而不知者疑其脫略載籍。其實陸子之所以教與中應之所。以學皆非專求於心而不讀書也。陸子嘗謂束書不觀。游談無根。所以教人讀書之法甚備。而中應在鄂州亦建閣藏書。

名以稽古則其師弟子之讀書可知已。建閣時陸子已卒。遂因季通求朱子記之。朱子或於人言猶以脫略載籍疑中應答季通書云。長沙之行。幾日可歸。閣記不敢辭。但恐病中意思昏聩。未必能及。許教未替。前了得耳。向見薛象先。咸稱其人。今讀其書。乃知講於陸氏之學者。近年此說流行。後生好資質者。皆爲所撓。閣壞了云云。其後爲記。亦用此意。詆爲已之學。謂無事外求。爲非其實。中應現在作藏書之閣。名以稽古。乃反以爲不讀書。則當面屈枉人矣。且閣記所謂挾冊讀書。誇多鬬靡。以爲利祿之計者。雖朱子亦不取也。此時陸子初卒。無極爭辨之憤。未平。故語意猶多抵牾。明年紹熙四年。爲福州州學經史閣記。則全合於陸子之教。謂古之學者。無他。明德新民。求各止於至善而已。夫其所明之德。所止之善。

豈有待於外求哉。又曰。聖學不傳世之爲士者。不知學之有本。而惟書之讀。則其所以求於書者。不越乎記誦訓詁文詞之間。以釣聲名干利祿而已。是以天下之書愈多。而理愈昧。學者之事愈勤。而心愈放。辭章愈麗。議論愈高。而德業事功愈無以逮乎古人。非書之罪也。讀者不知學之有本。而無以爲之地也。旣爲此記。又與林德久書云。近覺向來所論於本原上。甚欠工夫。間爲福州學官作一說。發此意。卽此記也。朱子自五十二歲。聞陸子鹿洞講義。卽追悔從前所學。溺於章句之非。詳見於劉子澄書。深懲痛省。不一而足。至五十六歲。因無極之辯。又復忿爭。見之筆墨。痛詆陸子。至爲福州經史。問記。則陸子已沒氣平心定。然後知本原上。甚欠工夫。而記誦訓詁之不足。以爲學也。自此以後。見之筆墨。可考者。一以

尊德性求放心爲主終身無復異詞所謂朱子晚年合於陸子豈非灼然而不容誣也哉明有陳建者一無知識妄爲學部通辨之書載朱子與李倫論許中應書及稽古閣記以證朱陸晚年未嘗相同不知其後之水乳交融也故因敘述中應求記事而辨之如此俾後之學者得以考焉

按葉水心作趙壽鄉善悉墓誌云善悉除江西運判薦許中應李肅皆善士時所謂僞學畏不敢舉者也由是觀之則許李二子皆著僞學之籍矣

楊漕使方

事蹟

楊方字子直福建長汀人清修篤孝行已拔俗隆興初舉進士調信州弋陽尉還取道崇安請教朱子數月而歸趙忠定

汝愚帥蜀辟主管機宜文字。汝愚薦於朝，授宗正寺簿，請外
通判吉州。知建昌軍謁陸子問學。一日李敏求呈所記語錄，
子直與朱季繹程敦蒙先在坐。先生問子直學問何所據云，
信聖人之言。先生曰：「且如一部禮記，凡子曰皆聖人言也，子
直將盡信乎？」抑其間有揀擇乎？子直無語。先生曰：「若使其都
信，如何都信得？若使其揀擇，却非信聖人之言也。」人謂某不
教人讀書，如敏求前日來問某下手處，某教他讀旅葵、太甲，
告子牛山之木以下，何嘗不讀書來？只是比他人讀得別些
子耳。子直聞言信服。又頗聞陸子駁持敬之說，因以書往問。
朱子答云：「持敬之說不必多言，但熟味整齊嚴肅嚴威儼恪
數語而加功焉。又疑學者病在言語多而無心得。朱子又答
書云：『學者墮在語言心實無得，固爲大病。然工夫草草所以』

若存若亡。近因病後不敢極力讀書。閒中却覺有進步處。大抵孟子所論求其放心是要訣耳。蓋子直既聞陸子之教。有得於心。故疑朱子之教。而未于晚年所見與陸子同故。亦直以求放心爲要訣而應之。如響也。子直後召爲樞密院直學士。官首乞朝重華宮。辭甚懇切。寧宗嗣位。除秘書郎。出知吉州。僞學禁興。坐汝愚黨。罷居贛州。閉門讀書。學禁弛。起家知撫州。至官五閱月。乞祠以歸。嘉定初。召爲侍右郎。進考功郎。剛正不合時宜。去官。越二年。除廣西漕使。發摘奸貪。官吏畏服。循歷所部。溪入梓鄉。卒於泉州。老稚聞之。無不隕涕。所著有寒泉語錄。人稱爲澹軒先生。

陳晉卿

陳紹字晉卿。福建福唐人。官階事蹟無可考。惟先生集中有

贈陳晉卿序云。君子所不可及者。其唯人之所不見乎。古人所以大過人者。無他焉。善推其所爲而已。人所不見。此心昭然。善推所爲。克是心而已。紹熙辛亥立秋後二日。臨川陸某子靜爲福唐陳給晉卿書云云。詳味序語。則亦及門受業者也。

孫發判應時

事跡書問

孫應時字季和。號燭湖。浙江會稽郡餘姚縣人。乾道八年。陸子初成進士。由行都歸江西。道經浙江郡縣。舟車所至。賢士景從。季和其一也。淳熙八年。朱子提舉浙東鹽茶。季和方爲制司幹官。與議荒政多所裨益。朱子列薦浙江賢有司。則季和與楊敬仲皆與焉。慶元三年。爲常熟令。大興教化。五年立

吳公言假祠時陸子已沒乃請朱子爲之記稱孫君能舉千載之闕道稽古崇德以勵其學者武城絃歌之意於是乎在故嘉善其事而樂爲之書云仕至郤武軍通判

宋儒學案云季和舉進士初授黃巖尉滿任士民欲置田宅留之居不受邱宙帥劉辟之入幕季和言吳曦必反宜預備改知常熟縣以前令積逋貶秩尋判郤武軍而卒季和問學朱陸之間而所師者則陸也

季和師事陸子最爲篤信初侍學浙中又辭親赴江西從學先生嘗答季和書云茲以書至發讀知已適江而西既喜聞動靜之詳又恨不得一見男子生而以桑弧蓬矢射天地四方示有四方之志此見其父母教之望之第一義也今尊大人既許其行又有二令兄在侍下豈得便爲失養顏子之家

一簞食一瓢飲。人不堪其憂。而其子亦從其師。周遊天下。履
宋。衛。陳。蔡之厄。而不以爲悔。此豈俚俗之人。拘曲之士。所能
知其義哉。孟子曰。仁。人心也。義。人路也。舍其路而弗由。放其
心而不知求。哀哉。又曰。今有無名之指。屈而不信。非疾痛害
事也。如有能信之者。則不遠秦楚之路。爲指之不若人也。指
不若人。則知惡之心。不若人。則不知惡。此之謂不知類也。誠
信此心。無所放失。無所陷溺。全天之所與。而無傷焉。則千萬
里之遠。無異於膝下。不然。雖日用三牲之養。猶爲不孝也。學
不至道。而日以規規小智。穿鑿傳會。如蛆蠹如蠹賊。以自飽。
適由君子觀之。政可憐悼耳。苟以其私偷譽斯世。固不難也。
但非先哲所望於後學。其所賞不足以當所惜之萬一耳。幸
謹思而勉行之。是問爲況。要非紙筆所能宣達。季和能看報。

則自相孚矣。總鄉之疑，不必論可矣。

按季和有燭湖先生集十卷，見明內閣書目。永樂大典多
採用之。中有祭象山陸先生文，云：嗚呼先生之姿英亮，卓
越先生之志奮迅，堅決先生之學簡易，昭晰先生之論數
暢條達，先生用心真實，惻怛先生教人感動，激切先生德
行平生高潔，先生文章嚴健超絕。嗚呼斯所謂名世之才
振古之傑，信乎天實付之以斯道之重，宜若開之以格君
之烈名，鼎成於天下，進益乎於朝，列一造膝以極論，喟皇
心其有發。審將行兮，或尼澗不見兮，采芻優游兮，山林詠
歌兮，風月獨私淑兮，其徒脫塵埃兮，玉雪出緒餘兮，一邦
楚之人兮，大悅忽甚，哭以過喪，竟何爲乎造物？嗚呼哀哉。
昔道統之承承百聖，儼其合節，昉洙泗之無師已參差而

異說矧千載之墜緒。新左提而右挈。膏衆車而並駕。義實難兮。一轍。廼先生之仁勇。每力爭於毫髮。紛紛其奚怪。淺或疑於相軋。加數年其可冀。會皇極以昭揚。恰此事之今已渺。方來而孰察。憶趨隅於逆旅。心專專兮。蘊結。踊中且而不寐。實冥蒙之一露。曰。淡恨其自茲。戒斧斤之斬伐。邈東西以有年。耿微衷兮如渴。日行役以過楚。期欲往而道輟。曾報書之幾何。痛終天之永訣。寫此哀其已晚。望眼眩而心折。尚不辱於師門。儻歆誠兮一歎。

按季和之後。最昌明忠烈公疑其後也。死宸濠之難。爲一代名臣。自燧以下。諸子塾塾。孫鑛鑛。曾孫如沂。並至公卿。所謂四世五尚書者。蓋季和之積厚矣。

胡達材拱

弟搏

胡拱字遠材浙江餘姚人尚書沂之子有文名由門廩監回
易庫早卒初乾道八年陸子道過浙江遠材來從學復齊先
生與學者謂云子靜入浙則有楊簡敬仲石崇昭應之諸葛
誠之胡拱遠材高宗商應朝孫應時季和從之遊其餘不能
悉數皆聖聖嚮學尊信吾道甚可喜也宋儒學案稱象山先
生言其資質甚美天常亦厚但前此講學馳騁於外未知自
反嘗答遠材書云咏示以所進所疑深見嗜學之誠但遠材
所進乃害心之大者所謂若有神明在上在左右乃是妄見
此見不息善何由明宜其事物之擾即不相續酬酢之繁即
不相似若本心之善立有動靜語默之間或今遠材資質美
處乃不自知所謂日用而不知也如前所云乃害此心者心
害苟除其善自著不亦善乎遠材有推測即是心害與薛色臭

味利害得喪等耳。孟子所謂斧斤伐之牛羊牧之者也。夫道若大路然。豈難知哉。道不遠人。人自遠之耳。若的實自息妄見良心善性。乃達材。固有。何須他人模寫。但養之不害可也。作此不暇詳稽。然說得多。亦徒說。要達材。自省耳。

胡構字崇禮。拱弟。同兄學於陸子。而導信尤篤。浙江士子爲陸學者多宗之。葉水心作胡崇禮墓誌銘云。崇禮胡氏名構。會稽餘姚人。自承務郎監臨安府樓店務。西京中微廟兩浙轉運使。浙西茶鹽司幹官。慶元元年五月某日卒。於吳年四十九。二年十二月某日葬翁湖山。夫人周氏二子。衛衍二女。長嫁歙縣主簿石萃淳。崇禮本末單厚。終始信實。啟發顯覲。而守以凝固。激厲勇敢。而行以和順。俗所溺情戲鄙。詐未嘗留色。衆所競僂。巧黠慧未嘗接心。父禮部尚書。浙乾道名臣。

衣冠推其表則兄監回易庫拱淳熙名士朋友載其言行崇禮步趨顧省無一事不以父兄爲法夢想跋及無一念不以家門爲重先世故書緹囊珍篋重封之屏几遺字籠既往復或移日尚書階不及謚崇禮頓首麗正門請曰先臣幸以詹事侍陛下東宮光宗惻然特賜謚既定章簡又曰此非所以謚臣父也卒易獻簡乃已回易不幸棄盛年崇禮悲哀思慕自罷官乞岳祠曰不得是無以葬吾兄餘姚之胡崗連壘接者八世矣族人貧富相通親疎相卹陞枝脫葉亦仗自存越人言松楸壽帶能無毀傷者或羨胡氏蓋崇禮營護其間也在運司歲詣縣板帳一日條無名重賦白於長請盡除之長憚其直遂爲謝曰當議而行不敢违也甲寅乙卯歲浙西先旱後水湖常州死無虛室縣梁河堤積屍千數崇禮泣懇於

朝通會所知爲丞相急轉米長興安吉山谷中緣門糜飲之民賴以少蘇而崇禮良苦被疾遂不起此皆其親戚所記鄉里所傳而余識崇禮且見且聞不忘者也初朱元晦呂伯恭以道學教閩浙士有陸子靜後出號稱徑要簡捷諸生或立語以感動悟入以故越人爲其學尤衆而併筮夜績燈聚崇禮之家皆澄坐內觀周氏賢明身治鮭菜供餼奠歷歲閭閻無改其度士既成名無不向重崇禮謂宜世用然竟不遇不壽死死後十五日周氏死又八日幼女亦死循衍尚少浮樞縱橫而歸吳越人皆咨嗟痛惜以爲天之於古人善士何其不少假易至此而崇禮執義秉德既虛爲善之報而死亡摧折之慘反加甚耶然其後未久衛登進士第登朝今爲朝奉郎通判明州衍後其兄授通直郎知黃巖縣贈崇禮官五

品周氏安人胡氏其復起起必崇禮子孫而天之於吉人善士其終不虛其應特有久近淺深而已嘉定六年冬衛偶來永嘉見余言舊事相對歎息余觀衛懇懇於學術衰廢之餘補綴張設若欲繼其先者嗚呼是胡氏義理德性之傳而崇禮之靈所以相之也影嚮遲速何足計哉銘曰生而知方學而蹈道職當成身豈限常報淺耕先獲淡種後收靜而自至福焉待求露樾亭亭雲塚翼翼崇禮之銘于以尚德云

潘倉使友文

事蹟書問

潘友文字文叔浙江金華人左司潘時德郎之從子也從學於陸子在淳熙末年嘉定間歷任至提舉福建常平茶鹽公事則陸子已不及見矣文叔兼事朱子嘗以書問學有不敢

向外馳求不作空言解會之語。遵陸子教也。

先生答潘文叔書云。得書知爲學有進。其慰但所謂息。墮急迫兩偏。此人之通患。若得平穩之地。不以動靜而變。若動靜不能如一。是未得平穩也。涵泳之久。馳擾暫殺。所謂饑者甘食。渴者甘飲。本心若未發明。終然無益。若自謂已得靜中工夫。又別作動中工夫。恐只是增擾擾耳。何適而非此。心正則靜亦正。動亦正。心不正則雖靜亦不正矣。若動靜異心。是有二心也。此事非有眞實朋友不可。

其第二書云。文叔慈祥懇惻。一意師慕善人。服行善事。友朋間所共推重。與一輩依憑假託以濟其驕矜者。不可同年而語矣。然恐懼憂驚。每每過分。亦由講之未明。未聞君子之大道。與虞書所謂儆戒無虞。周書所謂克自抑畏。中庸所謂戒。

謹。乎。其。所。不。觀。恐。懼。乎。其。所。不。聞。亦。不。可。同。年。而。語。也。蓋。所。
謂。傲。戒。抑。畏。戒。謹。恐。懼。者。粹。然。一。出。於。正。與。曲。肱。陋。巷。之。樂。
舞。雩。詠。歸。之。志。不。相。悖。違。若。周。零。窮。威。弗。協。於。極。名。雖。爲。善。
未。得。其。正。未。離。其。私。耳。不。志。於。學。雖。高。才。美。質。博。物。洽。聞。終。
亦。累。於。其。私。况。下。才。乎。尹。師。魯。氣。質。固。自。不。凡。其。所。質。立。可。
謂。表。表。然。如。文。叔。所。舉。答。韓。資。政。書。辭。蓋。不。免。乎。其。私。者。觀。
於。海。者。難。爲。水。游。於。聖。人。之。門。者。難。爲。言。文。叔。第。未。得。遊。聖。
人。之。門。耳。今。日。風。俗。已。積。壞。人。才。已。積。衰。公。儲。民。力。皆。已。積。
耗。惟。新。之。政。亦。良。難。哉。某。方。此。治。登。山。倥。偬。占。復。莫。究。所。懷。
何。時。合。并。以。遂。傾。倒。

陸子學譜卷之十三

平越王士俊校

弟子八

李成州修已 子蕺山

西江志本傳

李修已字思永，豐城人。父希說以學教授鄉里。修已登乾道進士，參興國軍事。時陸文達公九齡分教是州，盡告以躬所操履，謂當息其已學，求所未學，遂與爲師友。既又事朱文公，益講伊洛之學，議論森嚴，臨事敏決。兩令寧鄉、衡陽，皆劇邑，有政聲。當路交薦將召，以嘗罢故相趙汝愚入黨禁，通判成

都府繼知成州、竟不得召用。韓侂冑當國、聞其才名、諷使舉
附修己笑而不答。有文集十卷、于義山字伯高、早傳父學中
嘉定進士、授大宗正、兼金部、輪對以心法論政事、言爲善不
可有疑心、去惡不可有悔心、并陳進善不能無疑者三、去惡
不能無悔者三、繇是罷出、知吉州、後以湖南提舉攝帥、潛楚
俗尚鬼、有妖覲譴法祖、假禍福惑人、義山曰、此張角、孫思之
漸也、斬法祖、煥其祠、歷階至中正大夫、所著有後林遺稿、思
過錄、參用省府志

按思永始師陸文達公、既又事朱文公、其從事陸子、則無
可攷、然其入門之功、則固本於陸氏之傳者也、虞文靖公
作鶴山書院記、稱其曾祖利州府君、與華父先生講學、目
時會講者僅十有三人、而思永與焉、則其淵源之所及、亦

已遠矣。

王進士允文

西江志本傳

王允文字文伯，豐城人。乾道進士，有聲。從陸子學，精詣力踐。諸公爭館致之。彭龜年薦於楊萬里，示以近作，咸雍公解有諒。彼高宗之語，允文引詩涼彼武王，以證其誤。萬里謝曰：「一字之師也。」龜年論韓侂胄死，請所嘉定更化。允文袖諫章謁樓內翰，論且以劄述本末，論具疏，激進。龜年始被卹典，士論稱之有棲碧頻葉。

陳廣文剛

陳剛字正己，建昌之歐江人。早事先生，與劉淳叟同學。志氣甚銳。先生謂淳叟正己自厲之意蔚然可觀。鄉里子弟因以

感動興起，每往金華問學於呂伯恭，復有志於事功。先生頗不然之，嘗與君舉書謂：「正已半塗異志，慕用才術。」蓋君舉亦專務爲事功之學者，故規之也。未又云：「正已比來相與禮貌，然視其朋游，觀其文辭，驗其瞻視容色，以考其指歸，未之有改。」此尤可念也。先生旣沒，嘗以書與朱子論學，大全集中有答書二首，並在朱子晚年第一書，首言往歲得呂東萊書，咸稱賢者之爲人，以爲十數年來朋友中未始有末又云：「近來浙中怪論迭起，令人憂歎，不知伯恭若不死，見此以爲何如？」蓋亦不喜其慕用才術與先生之言正相合也。第二書云：「示喻縷縷皆聖賢大業，蓋何足以知之？」又云：「未得面論，徒增耿耿，是未嘗相見也。」正已官階所至無可考，惟見朱子與劉德修書曾稱以廣文，今姑仍之。

書問

先生與陳正已書云。開歲得報書。切承體中尚未脫然。比日不審調護如何。亦已平復否。足下不獨體病。亦有心病。足下之體病。亦心病。有以重之。足下近日謂所學與業者異。直去遠入。剴耳向在都下。見足下行步瞻視。若怠若遺。夜臥多寐。語肢體屈伸。不常皆由足下才氣邁往。而學失其道。凡所經營馳騁者。皆適以病其心耳。古之學者。以養心。今之學者。以病心。古之學者。以成事。今之學者。以敗事。足下嘗言事外無道道外無事。足下今日智慮。非知此者。特習聞其說。附會其私意耳。如此讀書。殆將食螭蜺矣。前言往行。所當博識。古今興亡治亂。是非得失。亦所當廣覽。而詳究之。顧其心苟病。則於此等事業。奚啻聾者之想鐘鼓。盲者之測日月。耗氣勞體。

喪其本心。非徒無益。所傷實多。他日敗人事。如房琯之車戰。荆公之均輸者。可勝既乎。向言排遣排遣。亦安能有濟。足下固大丈夫。今責足下以大丈夫事。足下之過。非一節一事之小過。乃平日害心之大過。天地之閉。日月之蝕。其他尚復何言。足下性本孝弟。惟病此過。故遷徙展轉。所存無復真純。此董生所謂以善爲之。而不知其義者也。能頓棄勇改。無復回翔。戀戀於故意舊習。則本心之善。乃始著明。營營馳驚之公。憂思抑鬱之意。當冰釋霧晴矣。喜進參苓等藥。補助氣血。俟體力強健。乃博觀前言往行。詳考古今興亡治亂。是非得失。苟不懈怠。自當循循以進。不至左見背馳矣。某後日即東上。輒布此少見切磋之誠。養心成事之效。是所望於足下。

萬正淳人傑

郭人傑字正淳。興國軍大冶縣人。文達公子。壽爲興國軍教
授。時卽來受學。旋師事先生。躬行實踐。所造甚優。朱子守南
康時。正淳偕曹立之同往問學焉。極爲朱子所許可。與人書
屢稱之。立之未久遽沒。而正淳往復頗多。朱子與吳茂實書
云。陸子壽兄弟近日議論與前大不同。却方要理會講學。其
徒有曹立之。萬正淳者。來相見。氣象皆儘好。却是先於情性
持守上用功。此意自好。但不合自主張太過。又要得省發覺
悟。故流於怪異耳。若去其所短。集其所長。自不害爲入德之
門也。然其徒亦多有主先入不肯捨棄者。萬曹二君却無此
病云云。夫見得是。安得不主張。旣覺其善。又難於自屈。勝心
之爲害如此。據朱子作立之墓表。謂守南康始來謁。則知正
淳亦以是時往謁也。

曹立之建弟提之廷

曹立之名建餘千人與弟廷俱學於先生立之卒朱子爲之墓表云淳熙乙未歲予送呂伯恭至信之驚湖而江西陸子壽及弟子靜與劉子澄諸人皆來相與講其所聞甚樂子壽昆弟於學者少所稱許間獨爲予道餘于曹立之之爲人且曰立之多得君所爲書甚欲一見君與張敬夫也後五年予守南康立之果來目其貌耳其言知其嘗從事於爲已之學而信子壽昆弟之不予欺也欲留之與居而立之有宿諾不果及于受代以去而所請白鹿洞書院賜額有旨施行如章郡守吳郡錢侯于言以予之惓惓於是也亟以書來問孰可爲師者予因以立之告于言聞之欣然具書禮授使者走餘子踵立之之門以請而立之病不能行矣十年二月辛亥竟

不起年方三十有七。子靜以書來相弔。具道立之將死其言
炯然在道。不少異於平日。相與深歎息之。嗚呼。吾道之衰久
矣。比年以來。敬夫子壽伯恭。皆以盛年相繼淪謝。而後進之
可冀。以嗣事於方來者。亦多夭歿。今又失吾立之。然則子靜
與予之相弔也。豈徒以遊好之私情也哉。立之名建其先自
金陵來徙家。至立之八世矣。立之父諱天明。始爲儒立之幼
穎悟。日誦數千言。少長刻厲學古今文。皆可觀。一日得河南
程氏書讀之。始知聖賢之學爲有在也。則慨然盡棄其所爲
者。而大覃思於諸經。歷訪當世儒先有能明其道者。將學焉。
聞張敬夫講道湖湘。欲往見之。不能致。有告以沙隨程氏學
古行者。即往從之。得其指歸。既又聞陸氏兄弟。獨以心之所
得者爲學。其說有非文字言語之所及者。則又往受其學。久

而若有得焉。子壽蓋深許之。而立之未敢以自足也。則又寓書以講於張氏敬夫。發其書亦喜曰。是真可與共學矣。然敬夫尋沒。立之竟不得見。後至南康。乃盡得其遺文。以考其爲學始終之致。於是喟然歎曰。吾平生於學無所聞而不究其歸者。而今而後乃有定論而不疑矣。自是窮理益精。反躬益切。而於朋友講習之際。亦必以其所得者告之。蓋其書有曰。學必貴於知道。而道非一聞可悟。一超可入也。循下學之則。加窮理之工。由淺而深。由近而遠。則庶乎其可矣。今必先期於一悟而遂至。弁百事以超之。則吾恐未悟之間。狼狽已甚。又况忽下超。尚未有幸而得之者耶。此其晚歲用力之標的。程度也。今歲元日。知病之不可爲矣。猶書其牖曰。未死之前。不可自棄。遷善改過。自是愈篤。死之日起。正衣冠。危坐如平。

日語其弟廷曰。吾雖甚病而學益進。此心瑩潔。無復纖翳。如是而死。庶可以言命矣。語訖。就枕未安而沒。嗚呼。立之雖不幸蚤死。不卒其志。然所以自樹立者至此。亦豈他人所及哉。立之事親孝。救水之養驩如也。愛其弟甚至。與相切磋。如嚴師友。姊嫁而卒。撫其孤以有成。與人交。敬而忠。苟心所未安。雖師說不曲從。必反復以歸於。是而後已。其於干規正尤切也。視人有急難。周之必盡其力。雖貧病不計。榜其齊曰。無妄杜門。終日里巷有不識其面者。日用間自省。小有過差。即書之冊。討論經學有得。亦悉記之。及爲他文。甚衆。病中欲舉而焚之。廷弗忍。既沒而視諸篋。則已亡其半矣。乃哀自論定以來所作。得十餘卷。其他猶多可傳者。顧以立之遺意。弗敢出也。立之嘗娶婦。不悅於姑。教之不從而去。故卒無子。至是廷

以母命立宗人之于愿爲後而葬立之萬春鄉栗田原先塋之右且以立之遺文數篇及其友成志卽趙君伯域之狀不遠數百里來請銘于於立之相得雖晚而知之深望之厚哀其死而數爲出涕焉其可以無從乎然立之已葬不及識於壙中乃書其事使以表於墓上又系之曰胡子有言欲博不欲雜欲約不欲陋信哉如立之者博而不雜約而不陋使天假之年以盡其力則斯之傳其庶幾乎嗚呼今短命而死矣豈不可哀哉是歲五月乙酉新安朱熹述

按朱陸異同之黨立之墓表亦其一事然皆門人之見兩先生未嘗異也朱子與先生書謂立之墓表包顯道不以爲然而先生答書以爲亦好蓋顯道疑先期一悟等語爲譏陸學而棄百事以趨之則先生之教並不如是先生自

謂在人情事勢物理上做工夫故亦喜其語也其先期一
悟等語朱子晚年蓋屢言之如改徐來叔歸師堂詩所云
發其端倪答建陽士人問學謂須先見那物事方能時習
皆是此意而此時猶未知之耳此表作於淳熙十年朱子
年五十四歲是時未辯無極意亦平和故與諸葛誠之書
謂衆何由起而溪怪門人之競辯者所謂聞流言而不信
也然竊意立之爲人過於狃急聞人言誠先生爲禪學不
能細心辨別遂舍師而他求妻教之不從即遣之去皆於
道有所未安先生之學聞風興起讀其遺書者猶知其非
禪立之親炙而不能知可謂智乎君子之道造端夫婦刑
于寡妻然後至兄弟而御家邦妻未有不可化者孔氏三
世出妻及曾子出妻皆漢儒雜記多誣而不實未可爲據

吾於立之淡不取也。若先生不怪其背師而歎惜其死。以書相弔。則誠道大德弘。非後學所能及已。

遺事書問

先生語錄云。曹立之天資甚高。因讀書用心之過。成疾。其後疾與學相爲消長。初來見某時。亦是有許多閑言語。某與之蕩滌。則胸中快活明白。病亦隨滅。迨一聞人言語。又復昏蔽。所以昏蔽者。緣與相聚日淺。然其人能自知。每昏蔽則復相過。某又與之蕩滌。其心下又復明白。與講解。隨聽即解。某問比或有疑否。立之云。無疑。每嘗自讀書。亦見得這般田地。只是不能無疑。往往自變其說。某云。讀書不可曉處。何須苦思。力索。如立之天資。思之至固。有一箇安排處。但恐心下昏蔽。不得其正。不若且放下。時復涵泳。似不去理會。而理會。所謂

優而柔之使自求之厭而厭之使自趣之若江河之沒膏澤之潤渙然冰釋怡然理順然後爲得也如此相聚一兩旬而歸其病頓減其後因秋試聞人閑言語又復昏惑又適有書之以某乃釋氏之學渠平生惡釋老如仇讐於是盡叛某之說却湊合得元晦說話後不相見以至於死又云曹立之嘗致書於先生曰願先生且將孝弟忠信教人先生云立之之謬如此孝弟忠信如何說且將益亦聞朱子之論而致疑先生之學之後其初固不如此也先生答曹立之書云某驚劣之資禍患之中筋力氣血甚覺衰憊非復向時之比然更嘗之多愈覺欲速助長之病故講授處又差省力所諭趙學古甚有直氣然於理致則不爲甚明正使立之之言盡當於理亦未可必被人之聽從但據今立之之學則正宜有以自反

未達可以責彼之難曉也。承欲某詳指其非，非惟不暇，亦恐不在此。蒙問致知知止正心誠意知至至之知終終之次序，深切慨歎，不知立之許多時，在幹當甚事，觀如此問文字，一似夢中起來相似，立之尚如此，又何怪得趙學古也。知至至之知終終之一段，程先生說得多少分明，立之不應不曉文義，恐是用意過當，翻有如此疑惑。隱室之說，已是當時病語，然亦無難曉者，只是說每事上便有知與不知者，有知得到底者，有知不到底者，縱令知得到底，亦須是奉以周旋，弗敢失墜，乃始能卒終其事，其意亦初無浚興，然用此解易則不可。蓋易言知至知終是總說，不是說每事蒙問謾及之，不必帶泥大抵讀古人書，若自帶泥，則坦然之理，翻成窒礙疑惑，若帶泥既解，還觀向之窒礙疑惑者，却自昭然坦然，當是時。

但恐不能力行以終之耳。

其第二書云得書乃知周丞相書未達。其間大槩論立之果於自是其說而不能盡人之說。所述敏道正甫之言以示二公。皆謂立之殊失其辭旨。某往在都下與四方朋友講辯當其失辭處。必徐謂之曰。忍老兄未能自達其意。必使審思而善其辭。彼或未能自申。則代爲之說。必使其人本旨明白。言足以盡其意。然後與之論是非。是非本在理。當求諸理。不當求諸其辭。辭失而非其意。尤不當據。况又非其辭而可據乎。若各以言語占道理。其敘述他人處。必如法吏之文致。則是必欲其說之勝。非所以求至當也。大抵人之所見所學。固必自以爲是。與異己者辯。固當各伸其說。相與講求。其至當期歸乎一是之地。不可苟合強同。然至其未能盡他人之說而

果於自是。則其勢必歸於欲已。說之勝。無復能求其至當矣。公孫丑管仲晏子之功。可復許乎之問。其見至陋。孟子斥之之辭。亦甚峻切。然丑不但已難之。至再至三。故孟子之意愈白。而丑之惑亦解。景丑尹士充虞之問亦然。問辯如此。雖甚堅而不可屈。益爲明理者之願。無他。惟各獻其所疑。以盡人之說。非以自是之意。必之於其先也。至如夫子對陽貨。則遁辭以適其意。而不辯。答子路。何必讀書之說。則厲辭以斥其過。而不容其辯。又如孟子排告子夷之陳相之說。亦皆先有自必之意。此則聖賢洞照彼己所見甚明。已臻其至而不復有可改易者也。若此。則不可與學者請益決疑講道求是之時。同年而語矣。恐立之所見。已如聖賢之臻其至。不復可以改易。方將解他人之惑。以明其道。則又不可以前說議其之。

矣。然區區之見。以爲立之。今日所到。去聖賢尚遠。未可遽尸
此任。想立之亦未遽如此。但失此講究。墮常人之通患。爾由
前之說。乃今日講辯者之通患也。然遂此而不改。則是人各
是其所是。而非其所非。至當一是之地。不可復至矣。立之。鄉
與趙學古往復書。病正坐此。聲色臭味。富貴利達。流俗之所
汨沒者在此。立之。自少有志。度越此等。非出於勉強。道之不
明不行。佛老之徒。遍天下。其說皆足以動人。士大夫鮮不溺
焉。立之。儒雅自將。未嘗一入其樊。解怠縱弛。人之通患。知之
非艱。行之惟艱。靡不有初。鮮克有終。人所同戒。立之。志力堅
固。踐行有常。苟有所知。自許不畔。人之質性。有賢善多病於
庸立之。自少開爽。文義洽通。凡有血氣。皆有爭心。苟有所長。
必自介持。當其蔽時。雖甚不足道者。猶將挾以傲人。豈可望

其以能問於不能。以多問於寡也。立之平日所積。不爲不多。然聞有談道義者。必屈已納交。降心叩問。原其設心。本以審是求理。非直爲名而已也。凡此皆立之之實。非有所譽。若立之者可謂士矣。然求之中行狂狷。則當立於狷者之列。固有所強矣。而不免於弱。固有所明矣。而不免於闇。弱病固不能免。而所大患者。尤在於不明。必欲天下之理無所不明。必至夫子耳順之年。而後可言。然學而不厭。發憤忘食。回非助我。放子者。商則雖夫子之聖。亦非有天下之理皆已盡明。而無有可明之理。今謂立之不明者。非固責其不能盡明天下之理。蓋謂其有不自知之處也。人各有能有不能。有明有不明。若能爲能不能。爲不能明爲明。不明爲不明。乃所謂明也。狂者進取。狷者有所不爲。立之疇昔。乃狷者之體。至其皇皇於

求善汲汲於取益而不敢自安。自弃固有不終於稍之勢。比來言論果決。不復有不自安之意。自信篤確。不復有求善取益之實。如得崑崙之竹。協以鳳鳴。校以秬黍。方將同律度量。衡以齊一天下。則與前所謂稍者之體大不侔矣。誠使立之之舉果至此地。固不可泛議其超躡也。陳后山有曰。醉酒者亂操刀者。割則有以使之也。某雖淺陋。然留意學問之日久。更嘗頗多。若所以使立之至此者。頗能知其本末。今立之。但能以有言逆於汝心。必求諸道之法。試思之。當亦有自知者矣。以爲有序。其實失序。以爲有證。其實無證。以爲廣大。其實小狹。以爲公平。其實偏側。將爲通儒。乃爲拘儒。將爲正學。乃爲曲學。以是主張吾道。恐非吾道之幸。姑隨所見。其說不侈。小心退避。以聽他日之進。則小可大。狹可廣。拘可通。曲可直。

便不至失序。便不至無證。苟能自省。雖材質下於立之者。可免此病。苟不自省。雖才質高於立之者。亦或有此病。子夏孔門之高弟。百世之師表。其才質豈易得哉。當時夫子告之曰。汝爲君子儒。無爲小人儒。夫所謂小人者。豈險賊不正之謂哉。果險賊不正。則又安得謂之儒。雖曰儒矣。然而有所謂小人儒。言必信。行必果。硜硜然小人哉。雖曰小人哉。然不可不謂之士。尹士所疑於孟子者。非險賊不正之謂也。然聞孟子之言。則曰。士誠小人也。今智識未能及尹士。而其號則侈於孟子。立之能於此。自省則庶乎能免於不明之患矣。承欲雜說。謾錄近一二書。併論學一段。去論學一段。雖是舊所說。然恐立之不及見。亦欲立之更留心考之。橫渠先生云。見識長。得一格看得。又別此語。誠是。

先生與曹挺之書云挺之氣質勁直本無他病初謂肯篤志學問自應日進來書氣象甚覺詘辱至有一貫多學之辯此似無謂大抵學者且當大綱思省平時雖號爲士人雖讀聖賢書其實何曾篤志於聖賢事業往往從俗浮沉與時俯仰徇情縱欲汨沒而不能以自振日月遞過而有泯然與草木俱腐之耻到此能有愧懼大決之志乃求涵養磨礪之方若有事役未得讀書未得親師亦可隨處自家用力檢點見善則遷有過則改所讀書亦可隨意自擇亦可商量程度無不有益者看挺之殊未曾如此若實作工夫何遽論到一貫多學之處此等議論可且放下且本分隨自己日用中猛省自知愧怍自知下手處矣既著實作工夫後來遇師友却有日用中著實事可商量不至爲此等虛論也

利進士元吉

利元吉字文伯建昌南城縣人師事先生。紹熙元年庚戌科進士。慶元元年與同縣人鄧文範約禮彙國初以來建昌軍進士刻石題名。賓諸郡學。時先生沒已三年矣。元吉乃與文範共爲書。屬朱子爲之記。書言今日教人取士之法。誠有異於古者。然其所以取之之意。則亦固有在也。顧士之由此而幸得之者。乃或不能刮磨奮勵。以自見於世。則亦不必論其教法之是非。而吾之所以負其見取之意者。已不暇言矣。故今吾徒相率爲此。非敢以爲夸。乃欲以爲鑒。邦人士子咸願得子之一言。冠其顛以發之。庶乎聞而書者。相與讀之。而不知所警也。朱子作記。言三復其書。爲之喟然。又言二君子益嘗有所受學。而得其所貴於已者。所受學指先生也。元吉官

階學業所至。別無可攷。惟見於魏鶴山所作陸持之墓誌。謂
肝江利文伯。文安高弟也。佐邑金谿。伯微將師事之。則其所
造亦高矣。

倪濟甫巨川

倪巨川字濟甫。里居官階莫考。然從學於象山精舍。自是同
鄉近地人。濟甫與饒壽翁交好。壽翁則先生羣從親黨也。先
生嘗與濟甫書云。聞不就程試。決計登山。甚爲之喜。壽翁寄
示中秋分韻。尤用嘉歎。天宇澄微。月華晶瑩。頻年未有如此
夕者。老子於此。興復不淺。是夕月午。啟門相半。東望茲山。亦
念不負此月者。在諸賢爾。自昭明德。何必是夕。造次顛沛。莫
不當然。涵養計當日新。山翁在此。濟甫之來。不當遲遲也。山
翁先生自謂。時在象山精舍也。

曾宅之祖道

曾祖道字宅之一字擇之廬陵人初從劉子澄遊既乃師事先生紹熙三年先生卒又五年爲慶元三年始往見朱子時朱子年六十八矣朱子曰甚荷遠來然不是時節黨事方起能無所畏乎忽然被他來理會破公進取如何曰此是自家身上事進取何足議朱子問見衡州如何曰衡州開明大體使人知所向慕却無下手處朱子言向來見廬陵諸公問目大照寬緩不是斬釘截鐵只做一場說話熹以前與朋友往來亦只如此後來欽夫說道凡肯向此者只如此放過了不特使人泛然來行一遭便道我曾從某人處講論一向胡說反爲人取笑今後須要成就得一二人不妨是吾輩事業自後相過者這裏直是不放過也祖道言頃年亦嘗見陸象山

先生朱子曰。這却好商量。公且道象山如何。曰。象山與祖道言。目能視。耳能聽。鼻能知香臭。口能知味。心能思。手足能運動。如何更要甚存誠持敬。硬要將一物去治一物。須要如此做甚。咏歸舞雩。自是吾夫子家風。祖道言是則是有此理。恐非初學者所到地位。象山曰。吾子有之。而必欲外鑠以爲本。可惜也。纏繞舊習。如落陷阱。卒除不得。朱子曰。陸子靜若信人點化。是多少明快。云云。按此見朱子語類記錄之言。又經數轉。自多失其本旨。先生嘗以存名其齋。極取存誠之說。何嘗謂不必存誠。惟謂持敬持字爲未安耳。目能視之說。亦說外其論。見傳子雲所錄。言先生居山。多告學者云。汝耳自聰。汝目自明。事父自能孝。事兄自能弟。本無少缺。不必他求。在乎自立而已。並非如祖道所說也。蓋耳自聰。目自明。就本體。

言所謂形色。天性萬物。皆備於我也。自立就用功。言所謂先立乎其大者也。先生之言。悉本孟子所謂在我全無杜撰者也。及門之士。多能恪守而不遷於異說。惟曹立之與曾宅之輩中無所得。故見異而遷耳。然楊慈湖。傅子淵。包顯道等。以議論過高。而累其師說。立之宅之等。又以識見過卑。而失其師說。宜朱子聞而疑之。以爲近禪。而不知其師說固不如是也。先生與宅之第一書。已有述某之言多失其實之語。則其告朱子也。無怪其所遇之失旨矣。今錄二書於後。

先生與曾宅之書云。業蒙訪逮。切磋未究。足下以親庭之命。不能留臨別。有來歲相過之約。日望書劍至止。竟墮渺茫。何耶。某自去年春尾在山間。聞猶子樞之之訃。以歸。內外撫棺視窆之役。相尋以卒歲。近者始得復至山房。山間泉石頗多。

適值瀑流方壯。噴王湧雪。處處爭奇。經年之別。不容不遍。探
勞之旁。郡朋友。往往輳集。應酬殊不少暇。頗復勞勩。既而霖
霖不解。遂以感疾。山間不便醫藥。扶病出山。半山遇盛价。致
書。越數日。抵家。病又增劇。比日少甦。始得發視。氣力倦憊。又
未能作復。稽留盛价。皇恐示諭。與章太博問答。其義甚正。其
前述某之說。又自援據反覆。此則是足下病處。所述某之言。
亦失其實。記錄人言語極難。非心通意解。往往多不得其實。
前輩多戒門人無妄錄其言語。爲其不能通解。乃自以己意
聽之。必失其實也。相去之遠。不得面言。不若將平時書問與
所作文字。講習稽攷。差有據依。若據此爲辯。則有案底。不至
大說外也。且如存誠持敬二語。自不同。豈可合說。存誠字於
古有考。持敬字乃後來杜撰。易曰。閑邪存其誠。孟子曰。存其

孟子卷之三
心。某舊亦嘗以存名齊。孟子曰。庶民去之。君子存之。又曰。其
爲人也寡欲。雖有不存焉者寡矣。其爲人也多欲。雖有存焉
者寡矣。只存一字。自可使人明得此理。此理本天所以與我
非由外緣。明得此理。即是主宰。真能爲主。則外物不能移邪。
說不能感所病於吾友者。正謂此理不明。內無所主。一向縈
絆於浮論虛說。終日只依藉外說。以爲主。天之所以與我者。
反爲客。主客倒置。迷而不反。惑而不解。坦然明白之理。可使
婦人童子聽之。而喻勤學之士。反爲迷惑。自爲支離之說。以
自縈縶。窮年卒歲。靡所底麗。豈不重可憐哉。使生在治古盛
時。蒙被先聖王之澤。必無此病。惟其生於後世。學絕道喪。異
端邪說充塞滿達。使有志之士。罹此患害。乃與世間凡庸
恣情縱欲之人。均其陷溺。此豈非以學術殺天下哉。後世言

易者以爲易道至幽至淡學者皆不敢輕言然聖人贊易則曰乾以易知坤以簡能易則易知簡則易從易知則有親易從則有功有親則可久有功則可大可久則賢人之德可大則賢人之業易簡而天下之理得矣孟子曰夫道若大路然豈難知哉夫子曰仁遠乎哉我欲仁斯仁至矣又曰一日克己復禮天下歸仁焉又曰未之思也夫何遠之有孟子曰道在邇而求諸遠事在易而求諸難又曰克舜之道孝悌而已矣徐行後長者謂之弟疾行先長者謂之不弟夫徐行者豈人所不能哉不爲耳又曰人能充無欲害人之心而仁不可勝用也人能充無穿窬之心而義不可勝用也又曰人之有是四端而自謂不能者自賊者也謂其君不能者賊其君者也又曰吾身不能居仁由義謂之自棄古聖賢之言大抵若

合符節蓋心。一心也。理一理也。至當歸一。精義無二。此心此理實不容有二。故夫子曰吾道一以貫之。孟子曰夫道一而已矣。又曰道二仁與不仁而已矣。如是則爲仁。反是則爲不仁。仁卽此心之此理也。求則得之。得此理也。敬其兄者此理也。見孺子將入井而有怵惕惻隱之心者此理也。可羞之可羞則羞之。可惡之事則惡之者此理也。是知其爲是非。知其爲非。此理也。宜辭而辭。宜遜而遜者此理也。敬此理也。義亦此理也。內此理也。外亦此理也。故曰直方大不習無不利。孟子曰所不慮而知者其良知也。所不學而能者其良能也。此天之所與我者我固有之。非由外鑠我也。故曰萬物皆備於我矣。反身而誠樂莫大焉。此吾之本心也。所謂安宅正路者此也。所謂廣居正位大道者此也。

先生答曾宅之第二書云十日朋舊書問至多向所惠書卒
難尋檢其時復書亦無草稿今皆不能記憶來書謂某嘗有
文義溺志之戒某平時與舊朋講貫不敢泛爲之說大抵有
所據而後言若誠有是足必據來書而言之耳亦略記得曾
有一卷粘紙數幅寫前輩議論十數段於後註所見與所疑
又各空其後以俟某之說此豈非吾友所示耶記得當時看
畢甚喜其有志於學亦甚惜其學未知方亦嘗以示一二朋
友因謂之曰此人氣質志向固不碌碌但未得親師友胸中
雜然殊未明本末先後之序今千里寓書紙筆之間豈能遽
解其惑且當示以讀書之法使之無徒耗其精神後日相見
當有可言耳亦略記回書大意謂讀古書且當於文義分明
處誦習觀省毋忽其爲易曉母恃其爲已曉則久久當有實

得寶益至於可疑者且當優游厭飫以俟之不可強探力索
後日於文義易曉處有進則所謂疑或難曉者往往渙然而
自解却不記得有淵志之辭此後枉問得備錄前後書辭見
示庶有據依也近見所在友朋多有好理會文義反不通者
蓋不知學當有師天之生斯民也以先知覺後知以先覺覺
後覺此其理也誠得其師則傳授之間自有本末先後不使
學者叢然雜然費其日力耗其精神而無至止也此說要非
相見不能究秋涼能一來乎先兄平日無甚著述惟有往來
論學之書中間編次未就後日垂訪當共讀之也

李伯敏敏求

李伯敏字敏求一字好古師事先生最久自錄先生語爲一
卷嘗有詩云紛紛枝葉漫推尊到底根株只此心莫笑燕然

陶靖節箇中三歎有遺音。先生首肯之。呈所編語錄。先生云。編得也。是。但言微有病。不可以示人。自存之可也。兼一時說話。有不必錄者。蓋急於曉人。或未能一一無病。問伯敏云。作文如何。伯敏云。近日讀得原道等書。猶未成誦。但茫然無入處。先生云。左傳。淡於韓柳。未易入。且讀蘇文可也。此外別有進否。吾友之志。要如何。伯敏云。所望成人。目今未嘗敢廢防閑。先生云。如何。樣防閑。伯敏云。爲其所當爲。先生云。雖聖人。不過如是。但吾友近來精神都死。却無向來壘壘之意。不是懈怠。便是被異說壞了。夫人學問。當有日新之功。死却便不是。邵堯夫詩云。當鍛鍊時。分動挺。到磨礪處。發光輝。磨礪鍛鍊。方得此理。明如川之增。如木之茂。自然日進。無已。今吾友死守定如何。會爲所當爲。博學審問。謹思明辨。篤行。博學在。

先力行在後。吾友學未博。焉知所行者。是當爲。是不當爲。防
閑古人亦有之。但此底防閑。與吾友別。吾友是硬把捉。告子
硬把捉。直到不動心處。豈非難事。只是依舊不是。某平日與
兄說話。從天而下。從肝肺中流出。是自家有底物事。何嘗硬
把捉。吾兄中間亦云有快活時。如今何故如此。伯敏云。固有
適意時。亦知自家固有根本元。不待把捉。只是不能久。防閑
稍寬。便爲物欲所害。先生云。此則罪在不常久上。却如何硬
把捉。種種費力。便是有時得意。亦是偶然。伯敏云。却常思量
不把捉。無下手處。先生云。何不早問。只此一事。是當爲。不當
爲。當爲底一件大事。不肯做。更說甚的。某平日與老兄說底
話。想都忘了。伯敏云。先生常語。以求放心立志。皆歷歷可記。
先生云。如今正是放其心。而不知求也。若果能立。如何到此。

田地伯敏云如何立先生云立是你立却問我如何立若立
得住何須把捉吾友分明是先曾知此理來後更異端壞了
異端非佛老之謂異乎此理如牽繹之徒便是異端孔門惟
顏魯佛道他未有聞蓋顏曾從裏面出來他人外面入去今
所傳者乃子夏子張之徒外入之學曾子所傳至孟子不復
傳矣吾友却不理會根本只理會文字實大弊宏若根本壯
怕不會做文字今吾友文字自文字學問自學問若其不
豈止兩段將百碎問近日用常行覺精健否胸中快活否
伯敏云近日別事不管只理會我亦有適意時先生云此便
是學問根源也若能無懈怠暗室屋漏亦如此造次必於是
顚沛必於是何患不成故云君子以自昭明德古之欲明明
德於天下者在致其知致知在格物古之學者爲己所以自

昭其明德已之德已明然後推其明以及天下。技鐘於宮。聲聞於外。鶴鳴於九皋。聲聞於天。在我者既盡。亦自不能掩。今之學者。只用心於枝葉。不求實處。孟子云。盡其心者。知其性。知其性則知天矣。心只是一箇心。某之心。吾友之心。上而千百載聖賢之心。下而千百載復有一聖賢。其心亦只是如此。心之體甚大。若能盡我之心。便與天同。爲學只是理會此誠者自成也。而道自道也。何嘗滕口說。伯敏云。如何是盡心性。才心情如何分別。先生云。如吾友此言。又是枝葉。雖然。此非吾友之過。蓋舉世之弊。今之學者。讀書只是解字。更不求血脉。且如情性。心才都只是一般物。事言偶不同耳。伯敏云。莫是同出而異名否。先生曰。不須說得說着。便不是。將來只是滕口說。爲人不爲己。若理會得自家實處。他日自明。若必欲

說時則在天者爲性在人者爲心此蓋隨吾友而言其實不
須如此只是要盡去爲心之累者如吾友適意時即今便是
牛山之木一段血脉只在仁義上以爲未嘗有才焉此豈山
之性也哉此豈人之情也哉是偶然說及初不須分別所以
令吾友讀此者蓋欲吾友知斧斤之害其材有以警戒其心
日夜之所息息者歇也又曰生息蓋人之良心爲斧斤所害
夜間方得休息若夜間得息時則平旦好惡與常人甚相遠
惟旦晝所爲桔亡不止到後來夜間亦不得息夢寐顛倒思
慮紛亂以致淪爲禽獸人見其如此以爲未嘗有才焉此豈
人之情也哉只與理會實處就心上理會俗諺云癡人面前
不得說夢又曰獅子咬人狂狗逐塊以土打獅子便徑來咬
人若打狗狗狂只去理會土聖賢急於教人故以情以性以

心。以。才。說。與。人。如。何。泥。得。若。老。兄。與。別。人。說。定。是。說。如。何。樣。
是。心。如。何。樣。是。性。情。與。才。如。此。分。明。說。得。好。刻。地。不。干。我。事。
須。是。血。脉。骨。髓。理。會。實。處。始。得。凡。讀。書。皆。如。此。又。問。養。氣。一。
段。先。生。云。此。尤。當。求。血。脉。只。是。理。會。我。善。養。吾。浩。然。之。氣。當。
吾。友。適。意。時。別。事。不。理。會。時。便。是。浩。然。養。而。無。害。則。塞。乎。天。
地。之。間。是。集。義。所。生。者。非。義。襲。而。取。之。也。蓋。孟。子。當。時。與。告。
子。說。告。子。之。意。不。得。於。言。勿。求。於。心。是。外。面。硬。把。捉。的。要。之。
亦。是。孔。門。別。派。將。來。也。會。成。只。是。終。不。自。然。孟。子。出。於。子。思。
則。是。涵。養。成。就。故。曰。是。集。義。所。生。者。集。義。只。是。積。善。行。有。不。
慊。於。心。則。餒。矣。若。行。事。不。當。於。心。如。何。得。浩。然。此。言。皆。所。以。
開。告。子。又。問。養。勇。異。同。先。生。云。此。只。是。比。並。北。宮。用。心。在。外。
正。如。告。子。不。得。於。言。勿。求。於。心。施。舍。在。內。正。如。孟。子。行。有。不。

慊於心則餒矣而施舍又似曾子北宮又似子夏謂之似者蓋用心內外相似非真可及也孟子之言大抵皆因當時之人處已太卑而視聖人太高不惟處已太卑而亦以此處人如是何足與言仁義也之語可見不知天之予我者其初未嘗不同如未嘗有才焉之類皆以謂才乃聖賢所有我之所不敢承當者故孟子說此乃人人都有自爲斧斤所害所以淪胥爲禽獸若能涵養此心便是聖賢讀孟子須當理會他所以立言之意血脉不明沉溺章句何益伯敏又嘗以書問學於朱子朱子集中有答李好古書云向來見陸剛定所聞如何若以爲然當用其言專心致志庶幾可以有得不當復引他以分其志若有所疑亦當且就此處商量不當遽舍所受而遠求也東問西聽以致惶惑徒資口耳空長枝葉而無

益於學之實不願賢者爲之是以有問而未敢對也好古得
書遂終身守先生之教不復名他師云伯敏官階里居並未
詳

毛剛伯必強

毛必強字剛伯結屋象山從先生問學溪得先生教人之意
又能推究先生與朱子所以放異同之爭者皆由兩家門人
傳說之譌而非實有所異也先生年譜記剛伯之說至爲詳
明允當其言云先生之講學也先欲復本心以爲主宰既得
其本心從此涵養便日克月明讀書考古不過欲明此理盡
此心耳其教人爲學端緒在此故聞者感動當時先生與晦
翁門徒俱盛亦各往來問學晦翁門人乍見先生教門不同
不與解說無益之文義無定本可說卒然莫知所適從無何

辭去歸語師友往往入失其小行遂起晦翁之疑良可慨歎
或問先生之學自何處入先生曰不過切已自反改過遷善
又曰吾之學問與諸處異者只是在我全無杜撰雖千言萬
語只是覺得他底在我不曾添一毫子又曰吾之與人言多
就血脉上感動他故人之聽之者易聞伯里居官階亦無可
考然觀其所論造詣甚深亦高第弟子也

朱忠甫元瑜

朱元瑜字忠甫臨川人初名伯虎淳熙十四年丁未春先生
至郡城訪湯詹使思謙忠甫始從學

先生有朱氏子更名字說云淳熙丁未暮春之初予抵城關
後生學子來從予游者日益衆余與之悼時俗之通病救人
心之固有莫不惕然以懲躍然以興前輩長者往往辱臨教

之舉無異辭。余於是益信此心。此理充塞宇宙。誰能間之一日。未伯虎進而請曰。虞書有朱虎伯虎。幼未知學。蓋不知其名之不可得。待函丈乃始自覺。背若負芒。願賜更之。余於是名以元瑜。字以忠甫。取諸取不掩瑜。瑜不掩取。忠也。夫王之取終取瑜。終瑜人則不然。學則取者瑜。不學則瑜者取。天之所以于我者。固皆瑜也。惟不思而蔽於物。而後瑜者取。今子既覺之。則取者瑜也。故曰元瑜能覺而更是。謂不掩不掩之謂忠氣稟之所蒙習尚之所悟。豈遽能盡免於取哉。繼是而不替其忠。則信乎其爲元瑜也。故曰忠甫。余始名字之未及告之。以其說余留階月而後東還。吾廬朱子又篋書旅於吾廬之傍。以求講益。秋七月朔歸。觀其說始書以遺之。

張衍字季悅官階里居未詳或曰南城人事先生最久性質剛毅排斥異端疾惡如仇先生嘗勸其開導異已者不必嫉之而季悅防衛不少假蓋門牆之禦侮也先生既沒首收集遺文刻之在三之誼甚篤今附先生答書二首於後

先生答季悅第一書云或僕凌雲致書發誠快讀辭旨煥然渙見進學之驗何慰如之比來三日乃濟登滋雨意未怠而登車輒霽獨垂至而值雨至此踰四日矣白雲縹緲日相周旋猶未即安雲臺僅一再見南山亦時至於王田中綠渺渥露數峯風練諸瀑淙淙自振猶未及一顧之也應朱二公書未及即治更三四日可遣威僕來取威親賢德如此此所樂爲二公言者傳來之文誠如雅諭宜不述所見觀其首尾皆竊用山翁平日言辭獨其旨趣乖違謬陋覽之渙有假冠兵

資盜糧之愧然六藝聖人作也小人猶假之以文姦言天下
無小人異類則已誠未能絕去小人異類何言而不可假也
惟此道之明善人之衆彼無所施則自熄絕矣城狐社鼠託
夜以神其姦使遇正人自無所施惑之者必其心之素邪所
謂物各從其類也雖然彼其心之本然豈其然哉惟其陷溺
而不能以自還故至於此要當開其改過之門懇惻而開導
之凡陷溺之未深而自以其聲氣相求應者尤當懇惻而開
導之發明剖析使是非邪正判然無所疑則小人異類妖狐
孽鼠無所逃其形而陷溺之未深者安知不幡然回心而鄉
道哉昔大禹既平水土貢金九牧鑄鼎象物百物而爲之備
使民知神姦以入山林川澤魑魅魍魎莫能達之古人所貴
於博學審問謹思明辨者政欲究知人情物理使之通達而

無。其。人。異。類。無。所。實。其。姦。於。其。言。論。施。設。如。見。
肺。肝。則。亦。安。得。而。不。熄。絕。乎。幸。悅。所。到。其。於。大。聚。可。謂。明。
矣。政。當。益。盡。精。微。使。衆。散。者。有。所。賴。是。所。望。也。
其。第。二。書。云。永。論。新。功。乍。覺。健。茂。第。流。俗。比。部。之。習。謬。妄。之。
說。正。可。哀。情。傷。悼。當。有。開。導。扶。掖。摧。陷。靡。清。之。功。乃。爲。進。學。
之。驗。若。視。之。如。讐。方。敵。國。苟。以。不。爲。所。搖。爲。吾。效。驗。恐。未。可。
也。

宋秀才復

宋復字無悔臨川人。先生與嚴恭伯書云。宋無悔來。得書知。
彼時消息甚慰。又云。宋秀才志向可喜。而氣息中多病。今雖。
小愈。要未必能一成。平復針藥蓋已備嘗。亦在其自曉了耳。
若善自思者。亦有何難。但恐繆習淺重。每每反用以滋其繆。

耳。真不徇名慕外。好誇求勝。道實不難知也。君子之道。決而不厭。簡而文。溫而理。又何必大聲色也。但人不知非。則不能安乎此耳。

吳文正公澄作臨川逸士于君汝玉妻張氏墓誌云。張氏文安陸子門人宋先生復之外孫也。文正以先生稱無悔。則無悔德業所就。見稱於鄉閭也。亦重矣。

鄧文苑遠

鄧遠字文苑。南城人。文範之輩。從壯年志於遠遊。求先生一言。往中都。蓋未忘利達之見也。先生贈以言曰。義理所在。人心同然。梁有蒙蔽。移奪豈能終泯。患人之不能反求。深思耳。此心苟存。則修身齊家治國平天下。一也。處貧賤富貴死生禍福亦一也。故君子素其位而行。不願乎其外。唐虞之時。終

民於變此屋可封之人此心存也周道之行人皆有士君子之行免置可以干城可以好仇可以腹心者此心存也自戰國以降權謀功利之說成行者先王之澤竭此心放失陷溺而然也當今聖明天子在上所願上而王公大人下而奔走服役之人皆不失其本心以信大義成大業則吾人可以灌畦耕田爲唐虞成周之民不亦樂乎又何必挈挈而東哉文苑因受業於門不復爲漫遊云

張誠子明之

張明之字誠子信州貴溪人世居龍虎山高祖嗣宗賜號虛白先生父琬字禹錫應舉不利宣和間應募被方臘補進義副尉建炎初自京師從馮解等詣濟南府扈從至南京轉校尉從使金轉承信郎所志不就歸休教子鄉俗一新誠于其

第四子也。從學於先生。先生嘗有答書云。泰之出所惠書字。知書劍已束。躊躇仙巖之下而不得進。亦爲子不滿。傳聞鏗院如許之亟。殆未必然。第從容以進。當無不及也。友朋自仙鄉來者。斷斷不可光祿勳何耶。吾嘗謂是非之決於其明。不於其暗。衆寡非所決也。夫子有栖栖俶俶之疑。而鄉原無所往而不爲原人。楊朱墨翟之言至盈天下。誠內省不疚。無枉於志。則亦何必鄉人皆稱原人也。然誠子氣質之偏。云爲之多在於迫切糾急。以此爲學。安能壞積私之植。以底於落平。平之地。猶愈潛爲厲階。雖加艱勉。益偏宇宙之和矣。先生嘗爲誠子誌其父墓文。兄集中誠子母周氏先生表姊也。

毛元善

毛元善。建昌南城人。名未詳。或云名文炳。即紹熙元年度成。

科中進士者也。元善工爲文，試不售，以文謁於先生，言將遊學以成名。先生爲序以訓之。元善大悟，止不遊，終身受業。蓋與鄧文苑同一轍者也。先生嘗作送毛元善序云：無常產而有常心者，惟士爲能古之時。士無科舉之累，朝夕所講皆吾身吾心之事，而達之天下者也。夫是以不喪其常心。後世弊於科舉，所鄉日陋，疾其驅於利欲之塗，吾身吾心之事沒不復講，曠安宅而弗居，舍正路而弗由。於是，有常心者不可以貴士，非豪傑特立，雖其質之僅美者，蓋往往波蕩於流俗而不知其所歸，斯可哀也。南城毛君惠然訪余，余未之前識也。贊余以文，余視其貌溫然儒人也。觀其文，則從事於塲屋者也。問其聚族，則有父兄在；問其資產，則有負郭之田；問其室廩，則不至飢寒之陋。視其衣裳冠履，則皆楚楚鮮明，非所謂

要絕財見者也。詰其所以來之志。則博科舉之不偶。耻甘旨之不足。將變其業以遊於四方者也。且決去就於余。余觀毛君雖朴直淳厚。而辭旨趣向大槩龐雜。豈所謂質之僅美而沈溺於流俗而不知其所歸者耶。於是申前之說。與之言義。命之歸。回窮之道。毛君色動情變。翌然謝余曰。乃今廓然如發業從興歸矣。余固美其質。又甚賢其改過之敏。因勉之曰。君歸矣。古人事親。貧則啜菽飲水。盡其歡。君父兄皆儒冠。貴業又足以自養。歸而共講先王之道。以全復其常心。居廣居。由正路。此其所得視疾其軀於利欲之途者何如耶。毛君甚然。余言於其行。遂書以贈。

符舜功敘

符敘字舜功。建昌人。師事先生甚久。始見時頗好爲高論。先

生答書箴之云。靜惟來辱之意。非鄙人之所敢當。下問之及。時薦其愚。非能有崇論宏議。驚世駭俗之說。得之朋舊。以足下望之太高。待之太過。初間未以爲然。及曾得廣人至。連收兩書。禮意勤厚。非所宜得。見喻進修之工。始信得者之不妄。於之怠心。恐成過當。詳細已嘗道於幾先相會。幸詢之。其第二書云。某自初與舜功相見。即進性格太緊之說。此在愚見。頗爲不苟。蓋事無大小。道無淺深。皆不可強探力索。人患無志。而世乃有有志不如無志者。往往皆強探力索之病也。若無此病。譬如行千里。自一步積之。苟不已。無不至。但患不行耳。子淵大槩甚正。然甚欲得渠一相聚。書間所言。要不能盡心曲也。見喻新工。足見嗜學。吾嘗謂楊子雲韓退之。雖未知道。而識度非常人所及。其言時有所到。而不可易者。楊

子雲謂務學不如務求師。師者人心之模範也。模不模範不範。爲不少矣。韓退之謂古之學必有師。師者所以傳道授業解惑也。人非生而知之。孰能無惑。惑而不求師。其爲惑也終不解矣。近世諸儒皆不及此。然後知二公之識不易及也。吾亦謂論學不如論師。待師而不能虛心委已。則又不可以罪師。乘便遽甚。遺此不他及。

符復仲初

符初字復仲。似是舜功羣從兄弟。同先生。故集中答二符簡相連。又俱往問學於朱子。朱子集中答書亦相連也。先生答復仲書云。業示進學不替。尤以爲喜。常俗汨沒於貧富貴賤利害得喪聲色嗜欲之間。喪失其良心。不顧義理。極爲可哀。今學者但能專意一志於道。理事事要親。是不肯徇情縱

欲識見雖未通明行事雖未中節亦不失爲善人正士之徒
更得師友講磨何患不進未親師友亦只得隨分自理會但
得不陷於邪惡亦自可貴若妄意強說道理又無益也
復仲以書問學於朱子朱子答云見陸火回書其言明當且
就此持守自見功效不須多疑多問却轉迷惑也

黃達材傳

弟康年著古文集

黃栢字達材建昌南豐人父文康博學高隱長先生二歲而
問學於先生若事嚴父師書問往復終身不倦幼達材與弟
椿字康年栢字彥文者並師事先生其父之卒三子者乞先
生文誌其墓今先生集中有所爲黃公墓誌銘云南豐黃世
成少事塲屋再舉不第即棄去益繙經史百家言究窮其道
理結廬石仙巖有終焉之意其兄世永甫冠登科所志頗脫

以出。暇日。憇石。優與世成。劇論時事。歎美其才。勉之使出。堅
不可奪。世永。益奇之名。其號曰壺隱。其父南雄府君。官至正
郎。澤及世成。世成推與弟澤。再及之。又推以與次弟。有季弟
澤。不及。則推已田與之。或惡其背馳。議之曰。是非人情。曰。矯
曰。好名。世成處之泰然。議者浸以熄。久之。遠近咸服。不稱姓
字。但曰壺隱。在童稚時。嘗爲橫浦張公賞識。及長。結交皆一
時名流。雖絕意仕進。其於國之治忽。民之休戚。未嘗不關其
心。故舊居職任事者。每賴以有聞。江西之採荒。湖廣之弭盜。
往往出其策。比年移書左司楊廷秀。諫議謝昌國。其言尤剴
切。漢至二公。還書推重嘉歎。然卒不能有所施行。余不識世
成。而得其爲人。至詳粹然。其容懇然。其中剴煩若易。處大若
細。其施不匱。其守不渝。爲文操筆立成。藻思瞻蔚。統紀不紊。

有苦心極力所不到者得諸儒言論必沉涵細繹頗復論著
訂其真偽然不自以爲是也。比十數年。辱余以書無暇時。若
所嚴事學。絕遺。喪片善寸長。必自介恃。世成之所可拔者。衆
矣。乃自視。歎然汲汲於求道。過人亦遠矣。今甚亡也。其子來
請銘。以世成之賢。雖不吾屬。猶將彰之。況請之勤耶。世成。陳
文。民。曾祖。發。中。康。州。司。理。參。軍。妣。葉。氏。祖。脩。左。迪。功。郎。處。州
司。理。參。軍。贈。左。朝。請。大。夫。妣。太。宜。人。呂。氏。曾。氏。父。越。左。朝。奉。
大。夫。知。南。雄。州。妣。宜。人。曾。氏。娶。曾。氏。子。男。五。人。長。曰。楫。先。四
年。卒。次。曰。枏。曰。槐。曰。椿。曰。棗。女。三。人。長。適。湛。覺。次。適。曾。林。宗。
幼。在。室。孫。男。二。人。無。勲。女。一。人。世。成。生。於。紹。興。丁。巳。二。月。己
亥。卒。於。淳。熙。丁。未。十。二。月。壬。辰。享。年。五。十。有。一。將。以。戊。申。十
一。月。己。酉。葬。於。石。僊。巖。之。金。鶴。谷。銘。曰。匪。屋。之。潤。於。其。身。匪。

爵之尊於其仁。無其貴而有其言。非其位而及其民。孰曰余
咎。孰曰余咎。嗚呼。壺隱。豈其隱淪。誰尚顯之。在其後人。象山
陸某誌。

壺隱服膺先生之教。心悟力行。嘗得李延平授朱子講說。喜
其所見相合。抄而藏之。後達材以示朱子。今朱子集中有跋
黃壺隱所藏師說。肝江黃栢達材。以其先君子壺隱居士手
抄此冊見示。乃熹昔年所受師手書居前。記錄在後。伏讀慨
然。如復得侍坐左右而聞其緒言也。頗恨簡牘不能拳拳服
膺。以報萬一。而荒淺昧陋。題錄之際。又不能無失其微。之
意。三復以還。不勝悚愧。然觀壺隱好學自強。樂善不倦。乃至
於此。熹雖不及識。而於此亦足以窺其所存矣。因竊記其
後而歸之。達材昆弟。其亦寶藏。守精究而勉學焉。以無忘

前人之訓。慶元庚申二月八日。新安朱熹謹書。

先生嘗與黃康年書云。此道充塞宇宙。天地順此而動。故日月不過。而四時不忒。聖人順此而動。故州閭清而民服。古人所以造次必於是。顛沛必於是也。斯須不順。是謂不敬。雖然。已私之累。人非大勇。不能克。一日克己復禮。天下歸仁焉。豈直推排而已哉。縱使失於警戒。舊習染之。當其思之覺之。復之之時。亦必大勇而後能得其正也。願並勉之。

先生答黃彥文書云。龍示成製詞典。句老勁有稽據。非近時後生所及。溪用降歎。下問求益之意。如川方至此。尤不可及。然有如耆德所進。當在文字之表。則所謂真訣在其中矣。恨行役匆匆。未得從容以究其說。尚冀快誦。屈子覽冀州兮。自餘橫四海兮。焉窮之句。以屬益壯之志。當刮目以俟。按先生

嘉許彥文如此。又厚相期望。則彥文材質亦非凡近者矣。謂者德益壯云云。恐引是一老成人。非黃齋也。

吳雲錦紹古

吳紹古。饒州安仁縣石痕里人。雲錦山名。其所居宅在山下。因以爲號。紹古早學於先生。嘗從先生遊。遊浙江。既歸。作書室。先生名其堂曰經德。又爲作經德堂記。其言曰。堂名取諸孟子。經德不回。非以干祿也。經也者。常也。德也者。人之得於天者也。不回者。是德之固不回撓也。無是則無以爲人。爲人臣而無是。則無以事其君。爲人子而無是。則無以事其父。禹之疏鑿。稷之播種。契之敷教。皋陶之明刑。益驅禽獸。垂備器。用伯夷典禮。后夔典樂。龍出納帝言。尹自耕莘。相成湯。說由築巖。佐武丁。太公以磻溪釣魚。爲文武師。皆是德也。關龍逢。

誅死王子比干剖心箕子爲囚奴孔子削跡伐木窮於陳蔡
斃於叔孫貽譏於微生訕楚狂接輿晨門耦耕負簣植杖之
流孟子見沮於臧倉受嗤於優髡見疑於尹士克虞者同是
德也武王纘太王王季文王之緒以有天下周公成文武之
業追王太王王季宗祀文王於明堂盡繼述之善爲天下達
孝曾子受經於仲尼以孝聞天下而名後世皆是德也舜小
杖則受大杖則走妻帝二女不待替腹之命縶縶而焚得笠
以下浚井而掩鑿旁以出太伯虞仲將致位乎季歷斷髮文
身逃之荊蠻太子申生使人辭於狐突再拜稽首而死同是
德也治古盛時黎民於變比屋可封漢上游女如彼喬木中
林武夫可爲腹心所欲有甚於生所惡有甚於死證驗之著
在於塗巷況士大夫乎建德下衰此心不競豪傑不與皇極

不。建。賢。智。迷。於。會。歸。庶。民。無。所。歸。命。學。者。文。煩。訟。者。辭。勝。文。公。實。私。賓。義。主。利。陵。夷。不。棟。橫。流。不。隄。天。常。民。葬。所。不。可。泯。絕。者。如。漢。獻。在。許。聽。命。於。蛾。標。而。已。舊。章。先。典。格。言。至。訓。橫。存。珠。亡。轉。爲。藻。績。邪。釋。繆。解。正。漫。真。渝。又。轉。而。給。寇。兵。充。盜。糧。矣。疽。潰。蛆。肆。賊。民。猖。獗。徇。狂。之。士。方。不。勝。憤。悶。矛。義。介。節。出。嬰。其。鋒。猶。或。憑。天。藉。聖。因。其。不。遂。泯。絕。者。足。爲。且。吾。以。聳。觀。聽。然。如。孤。豚。之。咋。虎。者。常。十。八。九。總。其。實。火。不。啻。一。車。薪。而。水。未。必。盈。杯。也。信。乎。終。亦。必。亡。而。已。矣。夫。子。生。於。周。季。當。極。文。之。弊。王。者。之。迹。熄。書。訖。諱。亡。亦。已。久。矣。載。贊。之。興。方。羊。海。岱。江。淮。河。濟。之。間。莫。能。用。者。歸。而。講。道。洙。泗。賢。顏。氏。之。樂。大。林。放。之。問。嘆。魯。黜。之。志。稱。重。南。宮。道。禹。稷。躬。稼。之。言。脊。脊。於。柴。參。之。愚。魯。而。終。不。能。使。子。賜。偃。商。由。求。之。徒。進。於。知。德。

先入之難拔。積習之錮人。乃至於此。夫子既沒。百家並興。儒名者皆曰自孔氏。顏淵之死。無疑於夫子之道者。僅有魯子自子夏子游子張。猶欲強之以事。有若他何。言哉。章甫其冠。逢掖其衣。以詩書禮樂之辭爲口實者。其果其爲自孔氏者乎。老聃蒙莊之徒。恣睢其間。摹寫其短。以新病。周孔黜絕詩禮。其勢然也。戰國處秦。無足復道。漢高帝鋤項籍。其要領在爲義帝發喪。一事。天常民彝。莫大於此。新城三老董溪於老氏者也。彼知取天下之大計在此耳。豈有匹夫匹婦不與被堯舜之澤。若已推而納諸溝中之心哉。莊子譏田常盜仁義以竊國。乃不知其學自有盜仁義以竊天下之計也。雖然。君子反經而已矣。經正則庶民興。庶民興。斯無邪慝矣。雲錦吳生。紹古來從余。講求名其讀書之堂。余旣名而書之。且爲其

說使歸而求之。孟子曰：古之人修其天爵，而人爵從之；今之人修其天爵，以要人爵，既得人爵而棄其天爵，則或之甚者也。後世發策決科，而高第可以文藝取，積資累政，而大官可以歲月致，則又有不必修其天爵者矣。生其早辨而謹思之。

紹熙元年五月望日象山翁記

雲錦子孫世守陸子之教，學行高於鄉閭。李仲公先生集中有跋石痕吳氏經德堂詩卷後云：吳子踵吾門而來，曰：先大夫嘗從陸先生浙歸，而作經德堂，日讀書堂上，先生用嘉乃志，遂記之。邦之前聞人咸咏歌之，凡若干卷。小子大懼泯墜，賴與子姻親也。朋友之義，豈有以語我？余曰：嗟乎，吾何以語子哉？雖然，吾於子有感矣。吾不幸生最后，不逮識而大父，然子髫髫時，常逮識而父叔容，雖未解事，亦意其爲賢者也。余

而又清抗刻厲於學且而諸子亦皆淳篤趨向不污信爾前
人之教行於家行者厥惟淡且遠矣鄉之先輩亦有以詩書
立門戶教其子孫俾克光紹及其死也曾不移時裂其篋篋
窮其編籍或流而藝焉或背而胥焉或落而皂隸奔走焉殆
有甚乎此者吾不忍悉數也或已身而遂斬或一傳而遂斬
至於再則亦鮮聞矣豈有好修而未艾若爾祖之子之孫之
曾孫者乎夫人情孰不欲斥土宇殖貨利以貽厥後而爾祖
則獨以此而爾後人又兢兢業業惟恐弗克負荷亦獨以此
真可謂得所輕重取舍矣嗚呼其流風餘澤又豈止乎如此
而已哉或者曰此天也非人之所能爲也余曰不然子之談
乎天者舉一而廢百也吾嘗謂天人相與之際其間不能以
於人其不天平天其不平乎故中庸曰裁者培之傾者覆之

今於爾吳氏之子之孫尤信